



~ 16  
2698  
1



玉谿生詩  
詳註

重校本

德聚堂藏版

16  
1898  
18



玉谿生詩詳註序

余於乾隆初持服里居同學伯陽馮翁以司寇

予告在籍居第與余近朝夕過從時令孫孟亭侍御未弱冠每侍

坐間出所為詩示余余喜而嘆曰玉谿生再生矣司寇心然余言

乃曰初學從玉谿入手庶不染油滑麤厲之習今承長者言當不

令改趨也又十年孟亭成進士為名翰林擢侍御史臺館中評騭

孟亭詩者亦與余言券合壬申夏余忽遭沉痾急請假歸丁丑冬

孟亭以母憂還里去余所居更近考業論文修乃祖泊余故事獨

念余衰白僅存情誼益篤既孟亭服闋以舊有心疾時發時止未

得赴補因素愛玉谿詩文惜諸家所註各有躡駁附會舊新唐書

本傳各有岐誤爰細意鉤核發詩文之含蘊以詳譜其行年年譜



王翁生言言言 鈔片  
定而詩之前後各得其所矣詩得其所文之前後亦莫不按部就  
班而本傳之同異自見於是作者之心跡大彰灼於卷帙間書成  
問序於余余惟昔賢聲詩蹤跡其顯晦遲早若默有定數者然同  
一玉谿生集也余亦稍涉焉其贈炙人口詩篇未嘗不流連而諷  
詠之餘有闕疑者往往弗深考曩者尙書高文良公善詩愛少陵  
玉谿兩家多所箋記頗有得解處每於來朝退食之餘余偶詣之  
談論至夜分不倦曾出以相示惜未成書今得孟亭註本與二三  
學子首尾繙閱浹旬始得終讀挹其聲光若更異於昔日者余亦  
不能自解焉是可爲玉谿幸而又多孟亭之深嗜孤詣爲難能也  
乾隆乙酉秋九月香樹錢陳羣題於荆合齋

李義山詩文集詳註序

論古今著述得失者甚多請以一言決之曰讀書與不讀書而已  
矣李義山詩文詳註吾師孟亭先生碎金耳要而論之斷斷非不  
讀書人所能辦也蓋義山爲人史氏所稱與後儒所辨均爲未得  
其中注之者倘非貫穿新舊唐書博觀唐宋人紀載參伍其黨局  
之本末反覆于當時將相大臣除拜之先後節鎮叛服不常之情  
形年經月緯了然于胸則惡能得其要領哉若先生之所注信乎  
其能如是矣是雖不過一家之言而已有關於史學尤奇者鉤稽  
所到能使義山一生蹤跡歷歷呈露顯顯在目其眷屬離合朋儔  
聚散弔喪問疾舟嬉巷飲瑣屑情事皆有可指若親與之游從而  
籍記其筆札者深心好古如是細心考古如是平心論古如是讀

王穀生詩言 三月  
之直恨先生不具千手眼盡舉天下書評閱之然後快也故曰斷  
斷非不讀書人所能辦也或謂著述家蹈空者固多若注釋則安  
能蹈空爲予謂不然夫躁于求名而懶于攷核俗學之恒態也彼  
所甚畏者史冊之繁重故所引用每不出于本書徒襲取人牙後  
慧鈔謄了事如此縱滿紙爛然究與蹈空無異不但虛談義理馳  
騁筆鋒者空而無實即在注釋家亦猶之空而無實矣若先生此  
編則從實學中來非襲取可得甚矣真讀書人可貴也予曩者由  
詞館教習出先生門下每蒙招集邸舍杯酒論文受益多矣比來  
跼伏里閭竊欲以垂老之年專力經史以藥游談不根之病捧誦  
此編爰趣舉膚見書之簡端用爲勸學之一助若夫義山詩文家  
數何如其出處行事何如諸家論之詳矣茲不復贅云乾隆丁亥

九秋受業東吳王鳴盛拜撰

王谿生詩詳註序

余幼學詩聞之長老言初學乍知詩味每易墮靡浮輕率之習以自喜而不知其自畫也若從晚唐人始免是矣是詩學中之一徑也晚唐以李義山爲巨擘余取而誦之愛其設采繁艷吐韻鏗鏘結體森密而旨趣之遙深者未窺焉後雖間爲披閱無暇專攻侵尋三十餘年學不加進而病已攫心夙昔願以姓名託文字以傳於世者當遂付之泡影也偶復取義山詩一爲諷詠動有微悟試詮數章機不可過於是徵之文集參之史書不憚悉舉而辨釋之詩集既定文集迎刃以解鮮格而不通者廼次其生平改訂年譜使一無所迷混余心爲之愜焉夫箋註義山詩文者既有數家皆積歲月以尋求顧作者之用心明者半昧者猶半豈諸家之力有

所不逮歟抑千載而上千載而下卽雕蟲小技亦有默操其顯晦之數者歟然則又安知後之讀斯集者不更有一往之深情如觀其面如接其言論而嗤余之所得尙有遺憾也哉余旣患心疾固不能更進於斯也編纂成筆之以弁其端若謂余於詩惟義山之是尙也則又余之所不居也文集箋註不更序

大清乾隆二十八年癸未春日桐鄉馮浩書

乾隆四十五年庚子秋日重校付梓不更序

玉谿生詩詳註發凡 十二條

一諸家註本皆名李義山詩集今從唐書藝文志玉谿生詩三卷之名以復其舊

一自明以前註斯集者逸而無存宋長孺曰西清詩話載都人劉克嘗註杜義山詩註今皆不傳極延州筆記所載唐音諸人詩又延州筆記載張文亮有句張文亮註云者非專註本集也且寡陋不足言註

一孺鶴齡成之行世百年矣近則程午橋夢星姚平山培謙各有箋本余合取而存其是補其闕正其誤為疑而未晰者尙間有

之蓋義山不幸而生於黨人傾軋豎橫行之日且學優奧博

性愛風流往往有正言之不可而迷離煩亂掩抑紆迴寄其恨

而晦其跡者索解良難所無如何耳

一余初脫稿聞吳江徐湛園逢源有未刊箋本徐為虹亭太史子

窮老著述余因外弟盛百二向其後人借觀視朱氏程氏為優

第或疎或鑿時不能免而持論多偏聞其晚歲改易點寫反有

舍前說之是而遁入岐途者窮苦之累其神明也余虛衷研審

擇其善者採之庶苦心孤詣不至全泯亦可以無恨矣原稿仍歸徐氏

一年譜乃註釋之根幹非是無可提挈也義山官秩未高事跡不

著史傳豈能無訛舛哉今據詩文証之時事一生之歷涉稍詳

史筆之遺漏或補讀者宜細閱之

一舊本皆作三卷而凌亂錯雜心目交迷其分體者更不免割裂

之病余定為編年詩二卷不編年詩一卷行藏遞考情味彌長

所不敢全編者慎之也

一朱氏已采錢龍惕陳帆潘明之說余所見有馮已蒼舒定遠班

田實山蘭芳何義門焯錢木菴良擇楊致軒守智袁虎文彪諸

家評本又陸圃玉崑曾有專解七律刊本皆為節采附入庶深

情妙緒尤能引而伸之已余既采何義門評本辛卯春日取吳下所刊義

人評語而誤收者有意義舛戾斷不出自義門者蓋屢經傳錄漸滋淆亂而義

門於斯小集固不比經史諸大集之審慎精當世之服膺前哲者宜更決擇焉

一箋者表也註者著也義本同歸况一手所成豈宜並舉故專題

為詳註云凡舊說之是者必標明某曰不敢攘善顯然誤者改

之而已若似是而非或滋後人之疑者則贅列而辯正之引據

故實未免繁冗緣取義隱曲每易以刪摘失其意指故不可不

詳也一事屢用註皆見前開有見於後者亦有前後互証者

一說詩最忌穿鑿然獨不曰以意逆志乎今以知人論世之法求

之言外隱衷大堪領悟似鑿而非鑿也如無題諸什余深病前



人動指令狐初稿盡為翻駁及審定行年細探心曲乃知屢啓陳情之時無非借艷情以寄慨蓋義山初心依恃惟在彭陽其後郎君久持政柄舍此舊好更何求援所謂何處哀爭隨急管者已揭其專壹之苦衷矣今一一詮解反浮於前入之所指固非敢稍為附會也若云通體一無謬戾則何敢自信

一論義山詩每云善學老杜固已然以杜學杜必不善學杜也義山遠追漢魏近仿六朝而後詣力所成直於浣花翁可稱具體細玩全集自見毋專以七律為言其終不如杜者十之三學為之十之七時為之也

一集中雙聲疊韻屬對精細而押韻每寬律詩東冬蕭肴之類通用古詩如支微齊佳灰五韻通用真文元寒刪先六韻通用唐

人常例不足異也且所重不在韻故略之

一友朋贈答傳自當時評隲抑揚紛於異代皆為不可廢者故附

諸譜後架鮮藏書恨網羅未備耳

一海鹽陳靈茂許廷有箋本久不傳矣聞閩中寧化李元仲世熊曾註

亦有箋本未及訪其存否也數十年來海寧許嵩廬昂香曾註

其半部亦無可覓許嵩廬校注義山詩云時事年月職官遷轉舊唐書必詳著之新書則疎漏多矣張宗柎云嵩廬箋注玉溪生詩六

卷又年譜考證及叢說凡數卷博考新舊兩書傳記百家以及近時評註疏通證明駁正取舉期與作者詞託寄不隔一塵定彙僅有其半餘則零丁件繁塗改勾勒

殊難辨識近如如臯史笠亭鳴臯與余先後入翰林每舉玉谿詩互

為賞析而凡文士之從事於斯者應不乏也夫文有一定之解

詩多博通之趣茲編也我自用我法耳若前輩之精研同時之

濬發各有會悟不妨異同自當並行以俟後人之審擇

一初恐病廢急事開雕既而檢點謬誤漸次改修積十五六年多不可計既欲重鑄通為校改大半如出兩手矣然究未全愜意也初行之本無從收回祈四方學士見輒為我毀之或郵寄相易實叨惠好

一所引典故初梓半仍舊本以為何煩盡改也詎意舊本動有疎誤甚且偽造妄增以成其說而後起諸書或不之察轉相據引襲謬承訛久而轉疑古籍之脫落是誠為害已今逐條討核不日審而心會者弗以錄也學者庶可見信

桐鄉馮浩孟亭氏識

舊唐書文苑傳

李商隱字義山懷州河內人曾祖叔恒年十九登進士第位終安

陽令祖補位終邢州錄事參軍父嗣商隱幼能為文令狐楚鎮河

陽謂受知始於河陽誤以所業文干之年纔及弱冠楚以其少俊深禮之令與

諸子遊楚鎮天平汴州先天下後汴州誤從為巡官歲給資裝令隨計上都

開成二年方登進士第釋褐祕書省校書郎調補宏農尉會昌二

年又以書判拔萃王茂元鎮河陽辟為掌書記得侍御史茂元愛

其才以子妻之數語從茂元鎮河陽敘下多誤茂元雖讀書為儒然本將家子李德

裕素厚一本無厚字遇之時德裕秉政用為河陽帥德裕與李宗閔楊嗣

復令狐楚大相讐怨商隱既為茂元從事宗閔黨大薄之時令狐

楚已卒子綯為員外郎以商隱背恩尤惡其無行俄而茂元卒來

遊京師久之不調會給事中鄭亞廉察桂州請為觀察判官判官

檢校水部員外郎誤大中初白敏中執政令狐絢在內署共排李

德裕逐之亞坐德裕黨亦貶循州刺史商隱隨亞在嶺表累載三

年入朝京兆尹盧宏正尹為宏奏署掾曹令典牋奏明年令狐絢作

相商隱屢啓陳情絢不之省宏正鎮徐州又從為掌書記掌書記府

罷入朝復以文章干絢乃補太學博士會河南尹柳仲郢鎮東蜀

辟為節度判官檢校工部郎中大中末仲郢坐專殺左遷誤商隱

廢罷還鄭州未幾病卒商隱能為古文不喜偶對從事令狐楚幕

楚能章奏遂以其道授商隱自是始為今體章奏博學強記下筆

不能自休尤善為誄奠之辭與太原溫庭筠南郡段成式齊名時

號三十六小學紺珠三人皆行文思清麗庭筠過之而俱無特一作操

莊子問兩問景何其無特操唐人文中特操字習見此謂反覆無特操也恃才詭激為當塗者所薄名宦不

進坎壈終身弟義叟亦以進士擢第累為賓佐商隱有表狀集四

十卷傳文之誤皆於年譜辨正

新唐書文藝傳

李商隱字義山懷州河內人或言英國公世勣之裔孫誤令狐楚

帥河陽奇其文使與諸子遊楚徙天平宣武皆表署巡官歲具資

裝使隨計開成二年高錡知貢舉令狐絢雅善錡獎譽甚力故擢

進士第調宏農尉以活獄忤觀察使孫簡將罷去會姚合代簡論

使還官又試拔萃中選王茂元鎮河陽愛其才表掌書記以子妻

之得侍御史茂元善李德裕而牛李黨人蚩謫商隱以為詭薄無

行共排笮之茂元死來游京師久不調更依桂管觀察使鄭亞府

為判官亞謫循州商隱從之誤凡三年乃歸凡字亞亦德裕所善

絢以為忘家恩放利偷合謝不通未至謝不通也三字誤京兆尹盧宏止宏止舊書

皆作正新書傳作表為府參軍典箋奏絢當國商隱歸窮自解絢憾

不置宏止鎮徐州表為掌書記久之誤還朝復干絢乃補太學博

士柳仲郢節度劍南東川辟判官檢校工部員外郎府罷客滎陽

卒商隱初為文瑰邁奇古及在令狐楚府楚本工章奏因授其學

商隱儷偶長短而繁縟過之時溫庭筠段成式俱用是相夸號三

十六體傳中既承舊書之誤又自有誤者

藝文志

李商隱樊南甲集二十卷乙集二十卷玉溪生詩三卷又賦一卷

文一卷

宋史藝文志

李商隱賦一卷又雜文一卷別集文集八卷又四六甲乙集四十

卷別集二十卷詩集三卷亦別集蜀爾雅三卷小學雜纂一卷雜藁

一卷小說金鑰二卷類事桂管集二十卷總集使範一卷家範十

卷儀注

秘宋志視唐大有增矣但志文多重未可盡據桂管集豈在桂海諸賈之合集歟志於雜稿一卷書李義山史志書名不書字余初疑之核其上下所引諸書當即商隱也雜藁似即象江太守等五紀之類後人亦稱雜記

鄭氏通志藝文略李商隱蜀爾雅三卷古文略不書數雜纂一卷玉

溪生詩一卷玉溪生賦一卷樊南四六甲集二十卷乙集二十卷

晁氏郡齋讀書志於甲乙集各二十卷外又文集八卷晁氏曰商

隱儷偶繁縟旨能感人謂其橫絕前後無儔者又有古賦及文

玉谷主寺洋生

共三卷辭旨怪詭宋景文序傳中云誦怪則李商隱蓋以此詩五

卷清新纖艷按晁氏似合古賦與文三卷詩五卷統稱文集八卷也與宋志異矣

矣別標玉繁生集三卷引陳氏書錄解題曰李商隱自號此集即前卷中賦及雜著也

又於詩集標李義山集三卷引陳氏曰唐太學博士李商隱義山撰皆不細符也陳氏

曰商隱所作應用之文當時以為工以近世四六較之未見其工也蓋宋

人駢體與六朝舊法異故反嗤點樊南耳文集箋本不採評語附識於此

馬氏通考經籍門蜀爾雅下引陳氏曰不著撰人名氏館閣書目

按李邯鄲云唐李商隱採蜀語為之當必有據

又雜纂下引陳氏曰俚俗常談鄙事可資戲笑以類相從今世所

稱殺風景蓋出於此又有別本稍多皆後人附益吳岩李氏曰用

諸酒杯流行之際可謂善謔其言雖不雅馴然所訶諷多中俗病

聞者或足以為戒不但為笑也

又金鑰下引陳氏曰分四部曰帝室職官歲時州府大略為淺啓

應用之備玉海藝文類唐金鑰二卷太學博士李商隱分門編類是則宋本多稱學博

明文淵閣書目李義山文集一部十册李商隱詩集一部四册書

係正統六年大學士楊士奇等編次文集舉字詩集舉名一也十册四册豈較

今本為多惜不能搜校已崑山葉氏菴竹堂書目文集十一册詩集同四册

焦氏經籍志小學書類李商隱古字略一卷按宋英國公夏竦輯古文

書有李商隱字略而郭忠恕汗簡所得七十一家有李商隱集略其分字下李商隱字

略李商隱集字李商隱字指李商隱集略皆尚隱非商隱是可疑而難定者今且以通

志載古文

略為互証

王谿生年譜

譜創於朱氏改訂於程氏徐氏俱有疎誤今以詩文為據史書為証重定一通意在詳明不嫌辭費○譜中詩文同編但遺佚既多傳者又錯亂故行藏大略猶可追尋年月細蹤不能殫審或從類敘之科要無凌節之弊所採史事視舊譜大有刪增惟取與詩文印合者

李商隱字義山懷州河內人 本傳

朱曰義山乃宗室英國公孫敬業則天時起義事敗被誅復姓

徐氏新書傳乃云或言義山是其裔孫不足信也 按李氏溯

原隴西史記傳李將軍廣隴西成紀人也晉書傳涼武昭王廣

之十六世孫也舊唐書紀高祖神堯皇帝涼武昭王七代孫也

王谿生詩集注 王皆重校本



義山詩曰我系本王孫又曰我家在山西山西即隴西也李勣  
本徐氏曹州離狐人隋末徙滑州之衛南義山非其裔誠不足  
辨李翱撰歙州長史隴西李則墓誌云涼武昭王十三世孫李  
君歸葬鄭州某縣岡原正與義山家世相合必即其族而分派  
已遠如李白亦涼武昭王後而不編屬籍也又舊書傳李元道  
本隴西人世居鄭州為山東冠族李揆隴西成紀人家於鄭州  
則李氏之居鄭州者多矣義山詩曰為邦屬故園謂鄭州也祭  
叔父文曰壇山舊瑩山在鄭州也祭姊文云寓殯獲嘉又云小  
姪寄兒來自濟邑濟源獲嘉乃河北地則義山必舊居鄭州遷  
居懷州故有習業於玉陽王屋之跡然姊與姪女仍歸葬壇山  
是終以鄭州為故園也舊傳云還鄭州最得其實新傳客字小

誤而二傳祇書懷州河內人皆小疎也

父嗣本

嗣為簿尉之流終浙東西從事詳下文

憲宗元和八年癸巳 商隱生

按義山生年無明文核之當在此年也宋氏據令狐楚鎮河陽  
義山纔及弱冠而謂生貞元十一二年間不知史已誤矣徐氏  
以為楚鎮河陽義山當十六歲亦誤也本集可據考年齒者有  
三一為開成時上崔華州書是龜從非戎一為會昌四年改葬姊與姪  
女之祭文以諸祭文所書定為四年一為驕兒詩祭裴氏姊文曰靈有行於元  
和之年返葬於會昌之歲光陰迭代三十餘秋又云寓殯獲嘉  
向經三紀又云沉綿之際殯背之時某方解扶牀猶能記面又

玉容寺羊主 手普

三  
年  
言  
言  
年  
言  
云此際兄弟尚皆乳抱時義山僅二三歲耳若泥三紀實數則  
當逆數至元和四年矣然三十餘秋者踰三十即可稱而三紀  
舉成數不必細拘如開元天寶合四十三載而云四紀為天子  
也况國語云十年數之紀也何必定十二年哉祭姊與姪女時  
袞師未生其後初在東川時云或小於叔夜之男約當為七歲  
則袞師約生於會昌六年乃驕兒詩形容四五歲嬉戲情狀而  
自歎顛顛欲四十又云况今西與北羌戎正狂悖指大中三四  
年党項寇邊及回紇遺種逃附奚部者言之逆數至元和八年  
則三十八年與欲四十合其姊若亡於元和九年則至會昌四  
年得三十一年云經三紀可也崔龜從為華州紀在開成元年  
十二月崔鄆為宣州在二年正月書為其時所上而云愚生二

十五年今自元和八年至開成二年數乃正符此尤其朗然者  
故斷以是年為生年縱或少有先後而大要是據不若舊譜之  
動多窒礙矣

九年甲午

十年乙未

商隱隨父赴浙祭姊文云恭惟先德實紹元風良時不來百里  
為政又云時先君子以交辟員來南轅已轄蓋義山父為鎮浙  
東西者所辟 按姊亡當在九年而以赴浙辟屬下年者參以  
下文年方就傅之句也况姊亡與赴浙其為某月皆不可考安  
知非九年冬十年春耶

十一年丙申

三  
年  
言  
言  
年  
言

三  
普

三



十二年丁酉

十三年戊戌 十一月令狐楚為懷州刺史河陽懷節度使舊書紀參

令狐楚傳

本傳皆言受知令狐始自河陽今則其誤不待辨矣

十四年己亥

七月令狐楚同中書門下平章事舊書紀

十五年庚子

正月憲宗崩穆宗即位 七月令狐楚罷為宣歙

池觀察使再貶衡州刺史舊書紀參傳

穆宗長慶元年辛丑 四月令狐楚量移郢州刺史是年遷太子

賓客分司東都舊書傳

商隱隨父在浙約六年父卒奉喪侍母而歸祭姊文云浙水東

西半紀漂泊某年方就傅家難旋臻躬奉板輿以引丹旄是也

稷在浙似六年有奇喪父是九歲幾十歲

二年壬寅

十一月令狐楚授陝虢觀察使楚至陝復授賓客歸

東都舊書傳

三年癸卯

四年甲辰 正月穆宗崩敬宗即位 令狐楚為河南尹九月檢

校禮部尚書宣武軍節度汴宋毫觀察等使舊書紀參傳

敬宗寶歷元年乙巳

商隱年十三父喪除後似懷州無可居始居蒲州之永樂其在是年

或猶在後未可定

稷祭姊文云四海無可歸之地九族無可倚之親既

耐故邱謂葬父於鄭州壇山故邱便同連駭及衣裳外除旨甘是急乃占數東

甸傭書販春占數占戶籍之數也蓋其先由鄭居懷此似懷州

亦無可居而蒲州在西京東北三百里外貞觀中昇為四輔故  
曰東甸其後會昌四年移家永樂有昔去今來之句舊蹟當於  
此徵矣時雖居家於此又近遊以資養母而凡所云學仙玉陽  
東形魄天壇上舊山萬仞青霞外望見扶桑出東海仍屬懷州  
之境懷鄭固宜頻往來也開成中移家關中至後東川罷歸又  
還鄭州一生之屢遷靡定而戀戀於故土者皆可見已 又按  
懷州近在東都之東北占數東甸似亦可謂鄭州無可歸始著  
籍為懷州人也是與玉陽王屋之蹟更合若永樂則寓居耳且  
玩昔去驚投筆句似其時先有軍事驚心之行役相去未久况  
已在移家關中之後未必遠溯從前也此說亦可通然上說較  
是惟追測總難細定耳

詩

富平少侯 日高 陳後宮 陳後宮

二年丙午 四月橫海軍節度使李全略卒 十二月帝遇弒文

宗即位

舊書 紀

詩

覽古

文宗太和元年丁未 五月以前攝橫海節度副使李同捷為寇  
海節度使七月同捷不受詔八月削同捷官爵發諸道兵討之

舊書 紀 參通鑑

二年戊申 三月帝親試制策舉人賢良方正考官馮宿賈餗龐

嚴見劉蕡條對歎服以畏宦官不敢取 九月徵令狐楚為戶

部尚書 時河南北諸軍討同捷久未成功每有小勝則虛張

首虜以邀厚賞朝廷竭力奉之江淮為之耗弊 舊書 紀 參劉蕡 今狐楚傳通鑑

按劉黃  
事詳後

商隱年十六樊南甲集序曰樊南生十六能著聖論才論以古  
文出諸公間後聯為鄆相國華太守所憐居門下時勅定奏記  
始為今體 按著聖論才論在是時矣後聯為三字大可訂傳  
文之誤詳下

詩 隋師東 謝書 無題八歲偷照鏡 失題

三年己酉 三月令狐楚檢校兵部尚書東都留守東畿汝都防

禦使 五月宣慰行營諫議大夫栢耆斬同捷滄景平 十一

月 紀作十 令狐楚進檢校右僕射天平軍節度鄆曹濮觀察等使

十二月以吏部郎中宇文鼎為中丞 舊書紀參  
傳通鑑

商隱從楚在天平幕 按受知之深當在此際故甲集序專稱

鄆祭令狐文亦云天平之年將軍樽旁一人衣白也是下兩年  
年方十七八傳所云年纔及弱冠從為巡官者宜屬此時傳文  
概書天平汴州尚未細核矧可遠及河陽時哉 又按巡官之  
奏充者如文集狀中是也新書志節度使本有巡官兼觀察又  
有巡官一人舊書志節度使下參謀無員數隨軍四人皆天寶  
後置未見品秩馬氏通考唐辟署之法有既為王官而被辟者  
有登第未釋褐入仕而被辟者有強起隱逸特招智略之士者  
此多起自白衣惟其才能不問所從來然則額奏之外當有隨  
宜辟置未遽狀薦而可白衣從事者故義山年少未第而為之  
也舊傳云從為巡官新傳改為表署表字似誤 義山稱充海三  
掾為舊僚同此

四年庚戌

王象生詩言  
天平公應中呈令狐令公

六

五年辛亥

詩壯丹

六年壬子 二月令狐楚為太原尹北都留守河東節度使舊書紀

商隱當至太原幕 是年應舉為賈餗所斥見上惟華州書

稷宋閱歸解書彭陽碑陰云公尹洛禮陳商為郵薦蔡京泣京

辟李商隱尹洛者河南尹也敘泣京於為郵後必太原之為北

京也令狐傳云始自諸生隨計成名皆在太原實如故里乘塵

作鎮邑老歡迎義山受其知遇必當至其幕中天平北京事本

相接被辟當亦同也雖集無確據理必然矣

稷太原近境之詩宜有此時作者但意境多不相合故無可定

編

七年癸丑 正月右金吾衛將軍王茂元為嶺南節度使 三月

出給事中楊虞卿為常州刺史蕭澣為鄭州刺史 六月令狐

楚入為吏部尚書 閏七月給事中崔戎為華州刺史舊書紀王茂元令狐

楚傳參崔

商隱至鄭州哭蕭侍郎詩所敘是也 居崔戎幕掌章奏詳上文

稷安平公詩曰送我習業南山阿蓋時猶年少今定為二十一

歲正相合若舊譜則舛矣

太倉錄

八年甲寅 三月以崔戎為充海觀察使六月卒 十二月召楊

虞卿為工部侍郎舊書紀參傳

玉谿生詩詳注 手譜 七

按蕭幹入爲刑部侍郎紀文不書當與虞卿同被命

商隱隨崔戎自華至竟 是年應舉爲崔鄆所不取見上崔華州書

初食筭呈座中 海上 贈趙協律哲 贈宇文中丞

文代安平公華州賀聖躬痊復表 進賀皇躬痊復物狀 謝除竟海表 竟海謝上表 奏杜勝等充判官狀 在道進賀端午馬狀 謝端午賜物狀 竟州祭城隍文 遺表

九年乙卯 六月下京兆尹楊虞卿獄同平章事李宗閔貶明州

刺史虞卿貶虔州司馬刑部侍郎蕭幹貶遂州司馬 十月以

王茂元爲涇原節度使 令狐楚守尚書左僕射進封彭陽郡

開國公 十一月同平章事李訓謀誅宦官不克中尉仇士良

率兵殺宰相李訓王涯賈餗舒元興及王璠郭行餘韓約等鳳

翔節度使鄭注爲監軍張仲清所殺皆族之舊書紀參令狐楚傳通鑑

商隱往來京師安平公詩明年徒步弔京國是也 按義山入

王幕雖始涇原但在得第後詳下文舊書茂元傳 漏書鎮涇原

詩安平公詩 過故崔允海宅詔舊寄三揆 宿略氏亭寄懷崔雍崔交 公子東還 夕陽樓

開成元年丙辰 二月昭義節度使劉從諫表請王涯等罪名三

月復上表暴揚仇士良等罪惡 四月令狐楚爲興元尹山南

西道節度使 十二月楊汝士檢校禮部尚書充東川節度使

中書舍人崔龜從爲華州防禦使 是年令狐綯爲左拾遺

舊書紀參令狐綯傳通鑑

按徐氏謂義山是年從令狐楚興元幕今考下年馳赴興元本

年未有在幕實據

詩有感二首 重有感 故番禺侯以臧罪致不辜事覺母者他日過其門 哭遂州蕭侍郎 五松驛 令狐八拾遺綯見招送裴十四歸華州 和友人戲

玉谷寺羊主 三普

三 奚生言言言

李成所遺畫松詩書兩紙得四十一韻 送從翁從

贈一首 重有戲贈任秀才

東川宏農尚書書 別命狐拾遺書

二年丁巳 正月吏部侍郎崔郾為宣歙觀察使 高錯為禮部

侍郎知貢舉 詩餘詳 六月成德節度使王元逵尚壽安公主

以左金吾衛將軍李執方為河陽節度使 十一月令狐楚卒

於鎮 是年令狐綯為左補闕 舊書紀參高錯 令狐楚傳本集

稷彭陽遺表已稱左補闕綯舊書 綯傳服闋後改左補闕小疎也

商隱登進士第令狐綯雅善錯獎譽甚力故擢第 本傳

冬赴興元代楚草遺表祭令狐文所云愚調京下公病梁山絕

崖飛梁山行一千也十二月還京行次西郊詩蛇年建丑月我

自梁還秦也

按唐制登進士第謂之及第然未即為官若應他科而中謂之

登科乃得授官義山次年應宏詞以此惜不中耳或為人論薦

從仕令狐於義山雖歲使隨計實未嘗論薦徐氏謂以令狐辟

舉為校書郎誤矣馬氏通考曰唐士之及第者未能便釋褐入

仕尚有試吏部一關韓文公三試於吏部無成則十年猶布衣

且有出身二十年不獲祿者義山至四年自以判入等釋褐為

官也 冊府元龜云商隱少有奇才令狐楚羅相歷汴州興元節度辟為從事遊處 之問未嘗相捨亦是約略之辭不足泥也徐氏蓋因舊書傳楚將卒時有召

從事李商隱之語不知從事乃以向為巡官之故事 文隨意言之耳祭文實自稱弟子故新傳改曰門人

又按唐摭言狀元以下到主司宅謝恩訖三日後又曲謝主司

方一一言及薦導之處俾其各謝挈維之力苟特達而取亦要

言之蓋唐時極重薦導乃觀與陶進士書則交誼之乖固不可

玉谿生詩詳註

專答令狐矣

南山趙行軍新詩盛稱游讌之洽因寄一絕及第東歸次灞上却寄同年商於新開路壽安公主出降寄惱韓同年二首興慶州楊侍郎病中

早訪招國李十將軍遇挈家遊曲江二首韓同年新居饒韓西迎家室西南行却寄相送者聖女祠自南山北歸經分水嶺行次西郊作一百韻彭城公薨後贈杜勝李潛

文

上崔華州書代為崔京兆祭蕭侍郎文代彭陽公遺表為令狐緒謝

三年戊午二月孫簡為陝虢觀察使五傳作月以吏部侍郎

高錯為鄂岳觀察使十月皇太子承業於少陽院舊書紀高錯傳

商隱試宏詞不中選宏詞詳後與陶進士書所謂前年乃為吏部上

之中書中書長者抹去之是也赴涇原王茂元幕娶其女皆

當在是年按義山以娶王氏見薄於令狐坐致坎壈終身是

為事蹟之最要者而傳既有誤集無明文今則定其必在是年

也傳文惟茂元愛其才以子妻之二語為是其屬之帥河陽時

及云表掌書記得侍御史皆誤也韓畏之西迎家室義山有禁

嚮無人近之歎情見乎詞矣於是遂赴其幕既喜果諧琴瑟又

希其論薦得官本李國史補曰伊慎每求甲族以嫁子李長榮則求時名以嫁

所希時令狐楚卒未久得第方資緡力而遽依其分門別戶之

人此詭薄無行之譏斷難解免而絢惡其背恩者也祭外舅文

云往在涇川始受殊遇愛才而娶以女故曰殊遇綢繆之跡詩綢繆束薪三星豈

無他人詩豈無他人不知我同父言兄弟也今借言妻父乃是翁比忘名器於貴賤秩言去形迹於

尊卑以翁語皇王致理之文考聖哲行藏之旨每有論次必蒙

褒稱時固為記室之任然非奏充及移秩農卿分憂舊許羈牽少暇陪奉多違

跡疏意通期奢道密八字有深意茂元實庸材雖愛義山或因人之忌未敢奏請授官而義山因是略述蹤跡之疏以自遠然已無

玉谿生詩詳註

手譜

十

及紵衣縞帶雅贖或比於僑吳荆釵布裙高義每符於梁孟茂元

家甚饒而為此言者明已之非艷其財也然則婚之成於涇原而非陳許明矣况帥河陽

茂元方有戎事旋卒於軍更何暇及私事且義山方持母服而

祭文則云屬纊之夕不得聞啓手之言祖庭之時不得在執紼

之列斯豈初婚為記室之情事也哉又按宏詞不中選已因

娶王氏而為人所斥也與陶進士書既敘絢助之成進士復曰

此時實於文章懈退乃命合為夏口門人之一數耳其感之也

淺矣又曰前年為吏部上之中書歸自驚笑復懊恨周李二學

士以大法加我後幸有中書長者曰此人不堪抹去之乃大快

樂此飾辭也中書長者必令狐絢輩相厚之人漫成三首皆以

何遜自比其云沈約憐何遜謂愛之者也延年毀謝莊謂讒之

者也又云霧夕詠芙蓉何郎得意初謂已之新婚也此時誰最  
賞沈范兩尚書謂周李二學士以鴻博舉之也然則應鴻博正  
當初婚之際故安定城樓詩賈生年少虛垂涕王粲春來更遠  
遊乃不中選回至涇原之作互為參考了無疑義矣

詩撰彭陽公誌文畢有感漫成三首無題照梁初有情安定城樓回中  
招揚戎戲贈張書記贈送前劉五經耿四皓廟

文為韓同年贈上河陽李大夫啟莫相國令狐公文為張周封上楊相公啟

四年己未八月給事中姚合為陝虢觀察使十月以敬宗子

陳王成美為皇太子舊書

稷是年舊書紀七月刑部侍郎高錡為河南尹  
今細核乃知其誤詳寄成都高苗二從事詩

商隱釋褐為祕書省校書郎正九品調補宏農尉宏農為上縣尉  
從九品上階以



活獄忤觀察使孫簡將罷去會姚合代簡諭使還官

本傳

稜釋褐為官必由吏部試判

通典凡選始於孟冬終於季春其擇人以四事其身言六品以下計資量勞而擬官五品以上不試列名義山以判入等

乃釋褐授官定制必然故傳文從略

又按職官以清要為美

校書郎為文士起家之良選諸校書皆美職而秘書省為最如翰

林無定員諸曹尚書下至校書郎皆得與選矣至尉簿則俗吏

義山外斥大非得意與陶進士書曰南場作判比於江淮選人

正得不憂長名放耳雖自負文才必得亦隱謂忌者不能抑也

又曰尋復啓與曹主求尉於號實以太夫人年高樂近地有山

水者云云乃矯語耳觀所編諸詩憤鬱可見論使還官亦非其

意也 又按義山於開成二年已云愚調京下然即有興元之

急行而釋褐實在四年時當移家關中祭姪女文云赴調京下

移家關中寄瘞爾骨五年於茲逝之當在是年則云樂近地有

山水者必非始願所及矣

詩宮中曲 無題二首 昨夜星辰 鏡檻 曲池 有感中路因循 次陝州先

寄源從事 荆山 任宏農尉獻州刺史 為濮陽公陳情表

五年庚申 正月帝疾甚中尉仇士良魚宏志矯詔立賴王瀛為

太弟太子成美復為陳王帝崩仇士良說太弟賜賢妃楊氏陳

王成美安王溶死遂即位 八月葬文宗於章陵 九月李德

裕為吏部尚書同中書門下平章事 同平章事楊嗣復出為

湖南觀察使 是年令狐綯服闋為左補闕史館修撰

起為原官也其兼史 職或稍 周墀為華州刺史 韋溫為陝號觀察使 高元裕為

在後 三谷三寺羊主

三普

三

京兆尹舊書文宗武宗紀令狐綯周墀韋溫高元裕傳參通鑑本集

是年高錯為西川節度使 王茂元自涇原入為朝官皆從本集酌書

稜高錯當代李固言節度西川崔蠡代錯觀察鄂岳也固言傳云會昌初入朝者實於武宗即位之年即入朝也詳寄成都二從事詩王茂元事詳下

商隱辭尉任南遊江鄉從本集酌書

稜南遊江鄉全從篇什中參悟得之也座主高錯觀察鄂岳而安黃為其所管義山既遊江鄉必先赴其幕路經安黃玩過伊僕射舊宅詩高於秋冬間已遷鎮西川故以舊宅寓慨而悵不能更涉瀧江也僅寄詩與成都二從事了無應合蓋得第既籍令狐背恩必相告語師生誼薄遂致為人所擠不能入幕後所以有破鏡送同年獨孤雲之武昌寄蜀客蜀桐之追恨也時適楊嗣復罷相觀察湖南因又有潭州贈劉司戶蕢之蹟司戶歷

為宣歙王質興元令狐楚襄陽牛僧孺從事皆見傳文僧孺開

成四年八月出鎮會昌二年罷蕢在幕正當其時蕢卒年無明

文新書傳載昭宗誅韓全誨等左拾遺羅衮訟蕢云身死異土

六十餘年帝贈蕢左諫議大夫是年天復三年癸亥上距會昌

四年甲子得六十年蕢當於開成會昌間卒於江鄉故詩云復

作楚冤魂又云溢浦書來秋雨翻也義山於此年至潭州會昌

元年春與蕢黃陵贈別而蕢於二年秋卒矣凡此皆南遊之實

據也與陶進士書九月東去而次年還京乃在春時與送千牛

李將軍俱聽漢苑鶯之約相合則江鄉之遊不過數月耳又

按獻相國京兆公啓在大中三年還京之前詳本所云東至泰

山空吟梁父謂太和八年充海幕也南遊郢澤徒和陽春似在

王粲生詩言 年言  
此時矣鄧州屬山南東道北則襄鄧東南則江南西道之安黃  
鄂岳由江渡湖為潭衡皆楚境也余揣其即與潭州之遊同時  
然不必專指鄧州固可統言楚境耳惟是時序不久篇章頗多  
細核未可全定若後之桂管歸途又不可合遞考流年又豈閑  
居永樂數年中有此行耶無可臆定故附志於此 又按潭州  
鄧州兼有閒情牽引也柳枝序云東諸侯取去唐時所稱東諸  
侯境固甚廣不得定指某地而石城莫愁謔柳贈柳諸篇何其  
似指柳枝也燕臺河內河陽諸篇似學仙玉陽東時所歡慕之  
人而其人大有湖湘之跡尺素雙瑤湘川相識言之不足又長  
言之湘中為潭州合之代越公房妓之篇豈當嗣復鎮潭時歟  
當時既難顯陳後世何煩追索愚實自嘆多事也又有江東陪

宮南朝諸篇合之懷求古翁和章潘夜泊池州似更至池昇揚  
諸州矣凡此遊蹟風懷得其大略而無可細尋故不能編年特  
彙列第三卷中

詩 曲江 景陽井 詠史七律 垂柳 與同年李定言曲水閑話 井泥 送  
下牛李將軍赴闕 崇讓宅東亭醉後泐然有作 酬別令狐補闕 臨發崇  
讓宅紫薇 過伊僕射舊宅 寄成都高苗二從事

文 為汝南公華州謝加階狀 為渤海公舉人自代狀 為渤海公謝罰俸狀  
為濮陽公祭崔承文 與陶進士書

武宗會昌元年辛酉 三月貶楊嗣復為潮州刺史 是年王茂  
元為忠武軍節度陳許觀察使

秘傳云南中多異貨茂元積聚家財鉅萬李訓之敗中官利其財言因王涯鄭注  
見用茂元懼籍家財以賂兩軍以是授忠武軍節度使新傳云悉出家貲餉兩軍得  
不誅封濮陽郡侯名為將作監領陳許節度使今考諸表文則於武宗即位之初入  
朝歷御史中丞太常卿將作監遷司農卿而乃出鎮當在會昌元年觀為汝南京兆  
賀赦表而無為濮陽賀表則其時尚在京師  
也再合之為祭張氏女文出鎮在是年夏也

玉容寺羊主 三首 古

商隱自江鄉還京從本集

稜春雪黃陵方為送別而祭張書記文時在四月其云一則歸從回鴈之峯與異縣期迴鴈句相合似義山自謂也又賀郊赦

表在正二月豈歸期若是速耶潭州距京師約二千五百里

詩贈劉司戶賈潭州杏花 岳陽樓欲為平生 離思 楚宮湘波如淚 破鏡 七月二十八日夜與二秀才聽雨後夢作 七月二十九日崇讓宅讌

作 華州周大夫宴集

交為汝南公華州賀赦表 為京兆公陝州賀郊赦表 祭張書記文 為濮陽公陳許謝上表 舉人自代狀 奏韓琮等充判官狀 為鹽州刺史舉判官狀 為汝南公以妖星見賀德音表 賀彗星不見表

二年壬戌 二月檢校尚書右僕射李紳為中書侍郎同平章事 監修國史 八月回鶻烏介可汗掠雲朔北川乃徵發許蔡汴滑等六鎮之師以太原節度使劉沔為南面招討使盧龍節度

使張仲武為東面招討使李思忠即盟後斯也 歸附賜姓名為河西党項都將

西南面招討使皆會軍於太原 是年宣武節度使王彥威卒

令狐綯為戶部員外郎舊新書紀宰相表參舊書李紳 王彥威令狐綯子高傳通鑑

商隱又以書判拔萃重入秘書省為郎本傳參

稜列傳中既為內外官從調試判與拔萃者甚多通典選人有格 限未至而能試

尉而試判者亦時見如舊書陸贄傳登進士第以博學宏詞登科授華州鄭 縣尉罷秩東歸省母又以書判拔萃授渭南簿遷監察

御史之類是也義山必請 義山祭姊文云三十有司謂宏詞吏部 兩被 假罷秩乃又入試拔萃

公選謂試判 與拔萃又曰免跡縣正刊書秘邱甲集序云兩為秘書房中

官偶成轉韻詩公侍武皇為鐵冠我時憔悴在書閣卧枕芸香

春夜闌皆相同也傳文會昌二年拔萃不誤第漏書重入秘書

而書河陽辟掌書記云云有誤耳文集徐箋謂拔萃亦在尉宏  
農前則誤矣 又按重入祕省是復為清資也迺仍不得久處  
而以母憂罷從此而後即不足深恃之茂元亦遠卒矣而令狐  
八日益尊貴柄用不援手而唯薄之客途飄警使府沉淪斯義  
山生平榮枯所由判也嗟夫

詩鸞鳳 贈子直花下 哭劉黃 哭劉司戶二首 哭劉司戶黃 妓席暗記  
送同年獨孤雲之武昌 贈別前蔚州契苾使君  
為汝南公賀元日御殿受賀表

三年癸亥 二月太原節度使劉沔率師至大同軍遣天德行營  
副使石雄襲回鶻牙帳大敗之迎太和公主以歸 四月昭義  
節度使劉從諫卒三軍以其姪稹為留後遣使詔稹護喪歸洛  
陽稹拒朝旨 以忠武節度使王茂元為河陽節度使邠寧節

度使王宰為忠武節度使茂元移鎮舊書無月日今從通鑑以分遺表也表云分領許昌兼臨河內似其初以陳許

兼河陽繼 乃命王宰 五月以翰林學士承旨中書舍人崔鉉為中書侍郎

同平章事舊紀在四年八月今從新書表與茂元遺表合 七月遣戶部侍郎兼御史中丞

李回宣諭河朔鎮冀王元逵魏博何宏敬皆從命 制告中外

削奪劉從諫稹官爵以成德軍節度使王元逵充北面招討使

魏博節度使何宏敬充東面招討使仍委諸鎮各進兵攻討中河

河東河陽之屬先已屯兵境上備其侵掠今乃進攻 以武寧節度使李彥佐為晉絳行營諸軍

節度西南面招討使時崔元式為河中晉絳節度使彥佐則統行營 河陽節度王茂元以

本軍屯萬善 八月昭義牙將李丕降用為忻州刺史 以陳

許節度使王宰充南面招討使 賊將薛茂卿破天井關南科

斗寨擒河陽大將馬繼等 九月以王宰兼河陽行營諸軍攻

討因茂元病也及茂元卒以河南尹敬昕為以天德軍使石雄為彥

佐副河陽節度使王宰將行營昕供饋餉而已李德裕奏河陽節度舊領懷州

刺史請以陽置孟州其懷州別置刺史以石雄代李彥佐

為晉絳行營節度使令自冀氏取潞州十月河東節度使劉

沔充義成軍節度使荆南節度使李石充河東節度使十二

月薛茂卿入澤州密與王宰通謀為內應宰疑不敢進稹誘茂

卿至潞殺之并其族舊書紀傳參新書紀表傳通鑑會昌一品集本集

稹命討昭義諸史所載遲速不同今証之會昌一品集則舊書

似少緩新書則太急也舊紀四月詔百官會議可誅可宥之狀

以聞五月進狀以塞上用兵不宜中原生事而諫官上疏者相

繼一品集有五月二日請尚書省集議狀則新紀五月即書命

將進討為太驟矣集有賜元達宏敬詔云勿為子孫之謀欲存

輔車之勢又云卿宜嚴固封疆候彼軍中有變劉稹歸闕別有

敘用蓋已命諸道嚴兵為備尚未督其深入稹或悛改自歸固

不必盡削奪誅夷也舊書李德裕傳載勿為子孫之謀二句於李回諭旨河朔時與通鑑不同似尤得其實更可為非速用兵之証

第無從細求其畫一耳六月五日論彥佐翼城軍狀十九日論賜澤潞四面

節度使狀止禁其擅自受降猶未詔進攻而賊兵亦未出掠至

七月十一日論三鎮狀云秋氣已至將議進兵此即所詔七月

中旬五道齊進者尚慮河朔暗有連衡乃遣李回宣諭則下制

削奪必在是月而舊紀書於九月則遲矣制文所指逆節止言

拒命未及凶鋒末云詢自僉謀諒非獲已為初次進兵語氣下

詔之後賊將并力南攻茂元屯兵萬善勢頗危急事在八九月

三樂生言言  
間集有八月中諸狀而賜王宰詔意云賊焚熱晉絳廬舍侵逼萬善罪惡貫盈若如舊紀九月下制何一語不及之歟王茂元之卒証之一品集當在九月之末而本集茂元再遣使人勸諭劉稹中云祕不發喪已踰一月則必五月矣安而拒詔又歷數旬則必六七月矣遺表云前月某日軍聲大振賊勢少衰其為七月以前尚觀望希赦七月乃力行天討更為曉然蓋廟堂決策諸鎮彙屯固皆在夏時然序逢炎暑又未探河朔真情故不得不少寬以待至七月乃布告中外以必圖剪滅也先後之間勢分輕重大可考悟視前朝討諸藩鎮固已迅速豈遂若新書通鑑之至速也乎故詳核而酌譜之終因紀載舛錯難一一訂正耳

商隱居母喪從本集酌書

梭遭母喪當在二年三年中玩諸祭文可証而不能細定何時也又有兩京鄭懷往來之跡祭文有云祥忌云近哀憂載途又云攝縗告靈徒步東郊則出行固不免第不敢久離喪次耳幽居冬暮詩必尙在京郊至四年春乃移家永樂也四年冬渴然有農夫望歲之志似母服將闋則居憂宜在二年總難確核矣三年四年之詩蹤蹟情緒多不相類惟過姚孝子廬略似棘人豈時值用兵致減哀痛歟細蹟難徵編排舛此則愚之拘滯而不能釋然者又梭葬母無明文觀其營諸葬事則葬母不待言也

詩灞岸 出關宿盤豆館對叢蘆有感 卽日小苑試春衣 淮陽路 賦得鷄 鄭州 獻從叔舍人 懷求古翁 和韋潘前輩 和劉評事永樂閑居 戲

玉谷寺羊主 三普 六

三笑言言 幽居冬暮  
題贈稷山驛吏 登霍山驛樓

文 為李郎中祭寶端州文 為絳郡公鄭州禱雨文 祭宣武王尚書文 為濮陽公與劉稹書 遺表 為王瑾謝宣弔聘贈表 為懷州李中丞謝上表 舉人自代狀 祭城隍文 賽城隍文

四年甲子 正月乙酉朔河東將楊弁作亂逐李石壬子監軍使

李義忠克太原生擒弁盡誅亂卒 二月以河中節度使崔元

式為河東節度使以石雄為河中節度使仍晉絳行營諸軍征

討等使 紀文皆招討他書 楊弁伏誅 此二事為二月丁巳辛酉通鑑列 每作征討攻討 入三月誤石雄節度河中舊紀列

入九月殊誤今據英華 三月詔西面招討 即上晉絳 中元式雄授官合制 紀作汾小誤 石雄速圖進取

以晉州刺史李丕為之副 丕由汾改晉舊 七月邢洺磁三州降

詔石雄率軍七千人入潞州 八月昭義將郭誼等斬劉稹

首以迎雄澤潞平王宰傳稹首與郭誼等獻京師 宰相李德

裕守太尉進封衛國公 九月以前山南東道節度使盧鈞檢

校左僕射充昭義節度使 郭誼等與稹母裴氏姊妹從兄及

李訓王涯韓約王璠之親屬潛匿潞府者並斬於柳 參通鑑會昌一 品集文苑英華 是年易定節度使李執方為陳許節度使 河東石雄節度河陽通鑑作十二月舊紀書王宰於九月而執方代王宰事史皆不載今參會史文而書之 令狐絢為右軍

中 據新書 傳酌書

商隱於楊弁平後移家永樂縣居 餘詳前 稷葬姊與姪女似皆在正月及太原定後移居永樂 似在春夏之 闕而詩情不類豈既葬後情 事少寬歟細蹟總無可考 時往來京師本傳云茂元卒來遊京師 久之不調亦有小疎葢母服當闋三年也其服闋未調或以婚 於茂元故耳重祭外舅文云愚方遁跡邱園前耕後餉春日詠

五言 王宰 王普



懷云我獨邱園坐四春蓋自此數年皆閑居永樂也甲集序云

十年京師窮且餓則以雖居永樂頻至京師故統言之厥後在

東川有阿衮寄在長安之跡大約赴桂管辟仍移家京下

詩 行次昭應縣送李郎中充昭義攻討 大鹵平後移家到永樂縣居書懷十韻  
和馬郎中移白菊 寄和水部馬郎中題興德驛 喜聞太原同院佳侍御

臺拜 寄令狐郎中 靈仙閣晚眺寄鄆州韋評事 明神 遍姚孝子盧偶書

文 祭徐姊夫文 祭徐氏姊文 祭處士房叔父文 祭小姪女文 祭裴氏姊

文 重祭外舅司徒公文 為鄭從事妻祭從父文 為裴祭薛郎中文 為

李詣孫上李相公啓 為白從事上李尚書啓 為絳郡公上李相公啓 上史館

李相公啓 上崔相公啓 上李相公啓 為外姑隴西郡君祭張氏女文

五年乙丑 正月宰臣李德裕杜棕等率百寮上徽號 五月戶

部侍郎李回為中書侍郎同中書門下平章事 是年令狐綯

出為湖州刺史 盧貞為河南尹 舊書紀新書宰相表舊新

按舊書傳綯累遷庫部戶部員外郎五年刺湖州新

書傳止書右司郎中而刺湖不書年傳文互有詳畧

按白香山集有題府中水堂贈盧尹中丞詩又會昌五年三月舉七老會河南尹盧

貞年未七十與會而不及列又詔取永豐柳植禁苑感賦詩河南尹盧貞和宋陳直

齋為白公年譜謂是武宗末年事非宣宗初事又

曰盧貞為尹在會昌四年七月其當有所據也

詩 寒食行次冷泉驛 評事翁寄錫粥走筆為答 縣中惱飲席 花下醉 永

樂縣所居一草一木無非自裁今春悉已芳茂 自喜 春宵自遣 題道靜

院院在中條山 題小松 七夕偶題 秋日晚思 菊 漢宮詞 所居 奉同

諸公題河中任中丞新創河亭 無愁果有愁曲北齊歌 喜雪 按五年六年之

詩亦有不可細分者仍當統玩

文 為河南盧尹賀上尊號表

六年丙寅 三月帝不豫中尉馬元贄立光王忱為太叔帝崩太

叔即位 四月李德裕檢校太尉同平章事江陵尹荆南節度

使 五月以翰林學士兵部侍郎白敏中同中書門下平章事

八月葬武宗於端陵 十月李德裕為東都留守 是年柳

仲郢為鄭州刺史 舊書紀李德裕柳仲

郢傳參新書紀通鑑

仲

仲

德裕出鎮荆南畱守東都舊紀最確舊傳謂會昌五年出鎮荆南數月追還復知政事今証之本集德裕終武宗朝未曾外出故新書表通鑑皆於六年四月書之也

惟文饒別集云余乙丑歲自荆南保釐東周路出方城有隱者曰居守後二年當南行萬里然舊傳云大中二年冬至潮陽則從六年以往數亦正合是則集中乙丑當為丙寅之訛舊傳誤據之而又見武宗病時

宣宗大中元年丁卯 二月李德裕分司東都 給事中鄭亞為

桂州刺史桂管防禦觀察使 三月禮部侍郎魏扶奏放進士

三十三人 五月幽州節度使張仲武大破北部及諸山奚

七月尚書戶部侍郎翰林學士承旨韋琮以本官同中書門下

平章事 李德裕貶潮州司馬舊書紀參新書北狄傳字相表

商隱弟義叟登第 鄭亞廉察桂州請商隱為掌書記 冬如

南郡江陵府本荆州南郡 十月編定樊南甲集本傳參文集

稜本傳皆言請為判官舊傳又云檢校水部員外郎而新傳無

之文集止云被奏當表記也幕職必帶京銜凡判官支使掌書

記之屬舊新志未見品秩蓋以所檢校之京職為高下如諸狀

所云也員外郎從六品上階若已得斯銜則還朝不應猶為九

品之尉舊傳恐誤詩云湘妃廟下已春盡虞帝城前初日曛舊書

志西京至桂州水陸路四千七百六十里而是年三月有閏 則於四月抵桂林

詩喜舍弟義叟及第上禮部魏公 題鄭大有隱居 謝往桂林至形庭竊詠

離席 春遊 岳陽樓農水方城 海客 桂林 深樹見一顆櫻桃尚在

晚晴 五月六日夜憶往歲秋與澈師同宿 酬令狐郎中見寄 寓日 席上作

夜意 訪秋 城上 念遠 朱槿花二首 桂林路中作 高松 海上謠

江村題壁 洞庭漁 自桂林奉使江陵途中感懷寄獻尚書 宋玉

文 獻侍郎鉅鹿公啓 為榮陽公桂州謝上表 謝借飛龍馬送至府界狀 長

樂驛謝敕設狀 謝除盧副使等官狀 為盧副使謝聘錢啓 為榮陽公在

王翁生詩言計 卷之三 三

道進賀端午銀狀 端午謝賜物狀 桂州舉人自代狀 舉王克明等充縣令主簿狀 賀幽州破奚寇表 桂州賽城隍神文 桂州城隍神祝文 賽舜廟文 賽越王神文 賽北源神文 賽會山蘇山神文 賽白石神文 賽龍蟠山神文 賽陽朔縣名山文 賽海陽神文 賽堯山廟文 賽古攬神文 祭蘭麻神文 祭全義縣伏波神文 又賽諸縣城隍神文三首 賀老人星見表 進賀冬銀狀 進賀正銀狀 謝賜冬衣狀 奏請不敘錄將士狀 祭呂南州文 祭長安楊郎中文 太尉衛公會昌一品集序 樊南甲集序

二年戊辰 二月鄭亞責授循州刺史 令狐絢召拜考功郎中

尋知制誥充翰林學士 杜棕為西川節度使 三月兵部侍郎

郎判度支周墀同中書門下平章事舊紀作三月辛相表作正月 十一月韋琮

罷為太子詹事分司東都 是年柳仲郢遷為河南尹踰月召

拜戶部侍郎 冬李德裕貶崖州司戶參軍舊書紀令狐絢李德裕柳仲郢傳參白敏中傳

通鑑 按舊書令狐絢傳二年召拜考功郎中尋知制誥其年召入充翰林學士今考湖州府志天寧寺陀羅尼經石幢名欵元年十一月末猶在吳興郡守表書二年四月二

日除翰林學士蓋召拜考功未至闕又拜學士與舊傳合而舊紀書知制誥於元年六月又失書學士皆疎也

稷宣宗朝史氏自言簡籍遺落十無三四故紀文傳文及他書

互証每不細符

大中初白敏中執政令狐絢在內署共排李德裕逐之崖州之謫絢宜與有力焉以前則尚在吳興也及衛公歿後見夢於絢

絢畏其精爽白於帝使得歸葬似與敏中當區別亞坐德裕黨亦貶循州刺史

德裕奏改憲宗實錄凡所載吉甫不善之跡鄭亞希旨削之而吳湘之獄言是鄭亞首唱李紳織成李回便奏故亞回皆貶紳已卒 商隱隨亞在嶺表累

載三年入朝本傳亞貶循州死於官新書鄭

稷去冬如南郡春初當還桂州諸詩每言春寒春早也及亞貶

義山即由水程歷長沙荆門所謂破帆壞檣荆江中者在此夏

時未嘗隨赴循州送鄭大南觀及後故驛迎弔可証也其時當

至故鄉與東都以戊辰會靜一篇見之旋又出而行役有徘徊  
江漢往來巴蜀之程焉夫說詩之法實則徵其蹤跡虛則領其  
神情無題篇云萬里風波一葉舟憶歸初罷更夷猶碧江地沒  
元相引黃鶴沙邊亦少留謂乍脫風濤又乘流泝江少駐橈於  
武昌也下引益德阿童雖難妄解而閬州益州其後詩句每相  
關應必有事在無可推尋耳搖落篇云灘激黃牛暮雲屯白帝  
陰及水亭月幌遙夜清砧諸句似深秋略頓巴巫之境過楚宮  
云巫峽迢迢亦同時也搖落因書夜雨寄北皆寄內之篇若後  
之赴東川幕途既各殊且喪失家道無此意緒矣梓潼望長卿  
山至巴西復懷譙秀暗訴薦拔無人往來失意乃此段之關鍵  
也寄令狐學士云山驛荒涼重過聖女祠云來無定所去不移

時為三年春還京時作皆可貫通參悟矣惟是遠程跋涉似乎  
心注成都是時杜棕已自東川移西川乃一無謁見之情至七  
年春尚云早歲乖投刺也舉凡後之壬申七夕望喜驛寫意諸  
章句追慨於閬蜀之間遇合無緣者情可印而蹟難徵矣此與  
開成會昌間江鄉之遊皆從詩意悟出楚境數程又為隣近安  
能一一皆無混謬然彼時至潭而不至蜀此段巴蜀之蹟水陸  
之程章句朗然余所得已費苦心不能更苛索矣

詩即日 鳳 北樓 思歸 異俗二首 昭邵 賈生 李衛公 題驛 寄 令狐學士 鈞天 玉山 燈 送鄭大台文南觀 獻寄舊府開封公 同  
崔八詣樂山訪融禪師 漢南書事 荆門西下 舊將軍 淚 亂石 種花  
陸發荆南始至商洛 歸墅 楚澤 戊辰會靜中出貽同志 河清與趙氏昆季  
謙集得擬杜工部 寓懷 無題 萬里 風 江上 風 九日 搖落 過楚宮  
深宮 夜雨寄北 因書 贈田叟 移漢南音事上

玉浴七詩詳注 玉普 玉

三年己巳正月以太常卿封敖檢校兵部尚書為興元尹山南

西道節度使詔史館修撰杜牧換故江西觀察使韋丹遺愛

碑牧以司勳兼史館四月兵部侍郎魏扶同中書門下平章事五月

徐州軍亂以盧宏正為武寧軍節度使十二月李德裕卒

是年正月秦原安樂三州及石門等七關來歸至六月收復訖

七月三州七關河隴遺黎數千人見於闕下九月西川節度使

杜棕奏復維州令狐綯為中書舍人尋拜御史中丞司勳

員外郎杜牧轉吏部員外郎授湖州刺史舊書紀令狐綯杜牧

稜牧之為司勳傳無細年月牧之文集云會昌五年十二月自秋浦移守桐廬後四

年守吳興則入為司勳必在宣宗初至是年出守吳興也刺湖之命在秋時詳箋中

太平廣記採牧之湖州尋春較遲之事亦云大中三年

稜李文饒之卒舊紀作十二月通鑑已未日無月文饒集與姚諫議書題

商隱還京遷為蓋屋尉舊書志屬京兆府為畿縣尉京兆尹奏習掾

曹京兆孫曹有功倉戶兵法士六曹參軍事各令典章奏文集參

稜獻相國京兆公啓係還京之前途次相遇但細跡無煩再考

本傳以尹為盧宏正誤宏正傳皆不書朱氏已疑之矣

詩北江柳初起武侯廟古柏井絡杜工部蜀中離席令狐學士

北禽梓潼望長卿山至巴西復懷謙秀夜飲利州江潭作重過聖女

祠木蘭木蘭花贈勾芒神謁山和孫韋孔雀詠碧瓦賜射魚曲

無題四首哀箏槿花二首即日促漏如有令狐舍人說昨夜西掖

玩月因戲贈昨夜杜司勳贈司勳杜十三員外無題相見時難故驛迎

文獻相國京兆公啓謝座主魏相公啓謝宗卿啓太原白公墓碑銘為

四年庚午六月戶部侍郎崔龜從同中書門下平章事九月

党項為邊患發諸道兵討之時已連年無功戍饋不已會昌六年

巴有命招討使之事十月舊紀作翰林學士承旨兵部侍郎令狐綯同中書

臣谷主寺羊主手譜

門下平章事

舊書紀參令孤綽傳新書紀表通鑑

令狐綽作相商隱屢啓陳情不之省

屢啓陳情自綽漸貴時已然

宏正鎮徐州

奏爲判官

本傳參文集

按宏正表辟在十月奏爲判官非掌書記本傳誤也時初得侍

御史從六品下階通鑑注幕僚帶御史銜者謂之寄祿官亦曰憲官

傳稱在王茂元幕已得此銜今考

自涇原至再入祕省實無緣得此程氏據薛逢贈詩蓮府望高

秦御史定於此時極有識余証之詠懷寄祕閣舊僚詩益信

詩

無題紫府仙人寄懷韋蟾白雲夫舊居驢兒詩對雪二首東下三句若於風土馬上戲作題漢祖廟隋宮守歲

昨日于直晉昌李花李花訪人不遇留別館一片

文

爲舉人獻韓郎中啓爲任侍御上崔相國啓上兵部相公啓上尚書范陽公啓三首

五年辛未

十月戶部侍郎魏謩同中書門下平章事兼集賢大

學士

舊紀作五月誤蓬果羣盜依阻雞山寇掠三川以果州刺史王贄

宏充三川行營兵馬使討之

十二月盜斫景陵神門戟貶宗

正卿李文舉睦州刺史

是年党項皆平舊新書紀參通鑑

商隱妻王氏亡於是年乙集序所云三年已來喪失家道也六

年商隱方還京房中曲所謂歸來已不見也其亡在秋深屬疾

一章可証又別有柿葉翻時之句

詩讀任彦昇碑偶成轉韻七十二句贈四同舍戲題樞言草閣三十二韻越燕二首蟬辛未七夕迎寄韓魯州同年

六年壬申

二月王贄宏討平雞山賊七月河南尹柳仲郢爲

梓州刺史東川節度使

八月盧鈞充太原尹北都留守河東

節度使

是年盧宏正卒於鎮舊新書紀參

按宏正拜宣武之命而仍卒於徐傳不書月當在春時

五

五

五

五

五

五

五

五

五

五

五

五

五

五

五

五

五

五

五

五

五

五

五

五

五

五

五

五

五

五

五

徐府罷商隱入朝復以文章干綯乃補太學博士正六品上階會河南

尹柳仲鄧鎮東蜀辟為節度書記乙集序七月河東公奏為記室十月改判上軍非若徐府之本奏為判官

也檢校工部郎中從五品上階新書傳作員外郎北夢瑣言亦云商隱官

從舊十月改判上軍判官稍高於掌書記在徐幕已為判官而仲鄧乃奏為記室義山必至洛情懇而奏改也無仲鄧私改之

理詳箋中仲鄧由河南尹遷轉商隱當先至東都謁謝乃至東川自

後數年皆在東川幕是年冬差赴西川推獄本傳參

按據為河東上西川京兆公書合之述德抒情詩是六年冬七

年春有西川之役也杜崧於七年移鎮淮南未詳何月中詳箋故

為河東數篇謝啓似在七年春也

詩詠懷寄祕閣舊僚二十四韻房中曲宿晉昌亭聞鶯禽壬申七夕柳

夜冷西亭無題二首有感晉昌晚歸馬上贈赴職梓潼別畏之錢

二絕

文獻河東公啓二首為東川崔從事謝辟并聘錢啓二首為河東公上西川

七年癸酉十一月編定樊南乙集

按東川詩難細分年月今略為區別讀者無煩過泥

詩張惡子廟五言述德抒情獻杜七兄相公復章獻上韓冬郎即席為

口流杯亭西溪樓望西溪水柳柳映江潭細雨成詠獻河東公屬疾楊

本勝說於長安見小男阿裘錦瑟江上憶嚴五廣休李夫人三首

文謝河東公和詩啟樊南乙集序為柳珪謝京兆公啓三首上河東公啓

按以文集糾史書之誤甚愜予心惟乙集序自大中元年敘至

七年而其中書明年者三二曰明年正月自南郡歸二月府貶

選為蓋屋尉一曰范陽公奏入幕明年府薨選為博士一曰改

判東川上軍明年記室請如京師復攝其事余初疑其有舛細

核乃豁然也今統而論之曰舊傳從亞在嶺表累載三年乃歸

蓋統赴辟時言之非從亞貶言之故曰累載而三年者大中

三年也上文云大初中此故直云三年新書錯會其意改云謫循州從之凡三年

乃歸誤矣序云正月自南郡歸者使事畢仍歸桂州也二月府

貶選為尉者言府貶在二月而其後還京為尉語雖相接時則

稍遲乃簡筆耳盧宏正鎮徐始於三年辟商隱則在四年啓有

云去年遠從桂海來返玉京亦可証非南郡即赴京勉調天官獲昇甸壤謂

為蓋屋尉是畿甸官

仰燕路以長懷望梁園而結慮

謂此時間有燕昭臺也更可為京尹非宏正之據豈期咫尺之書終訪蓬蒿之宅是宏正出

鎮後義山方還京次年乃承其辟蓋明年二字猶曰他年凡越

一年或三年皆可通稱七言轉韻詩中亦有明年字自再命

芸閣至赴昭桂中間相距固數年矣惟書東川時之明年即為  
下一年讀古人書即一二無足重之字亦不可忽稍或誤會荆  
棘叢生矣

八年甲戌

蕭鄴為戶部侍郎兼翰林

新書蕭鄴傳參本集

按新書傳年月未詳以文集諸碑核之當在是年至十一年七月鄴為相見表

詩即日春日江亭散席循柳路吟歸官舍柳下暗記夜出西溪寓興

文為舉人上翰林蕭侍郎啓為某先輩獻集賢相公啓上河東公啓二首

九年乙亥

十一月以河南尹劉瑑檢校工部尚書汴州刺史宣

武軍節度使舊書紀參劉瑑傳

詩憶梅天涯二月二日西溪近郭西溪好

十年丙子

柳仲郢在鎮五年美績流聞徵為吏部侍郎舊書柳仲郢傳

玉谿生詩詳註

三



後仲郢內徵舊紀不書傳文無綱年月其領鹽鐵使舊紀書於十一年十二月傳則

徵為吏侍下接書入朝未謝改兵部侍郎充鹽鐵使似內徵亦在十一年也然舊紀

十二年二月以同平章事崔慎由節度東川代章有翼以有翼為吏部侍郎則有翼

代仲郢領東川必在前而紀又不書也又以仲郢為刑部尚書以翼侯充鹽鐵轉

運使則仲郢領鹽鐵僅兩月恐非然矣蓋簡籍固多訛脫也通鑑書仲郢領鹽鐵於

九年十一月則太早唐會要書十一年又云裴休大中五年領鹽鐵使十年出鎮尋

以柳仲郢夏侯孜杜悛迭判之檢舊新書裴休大中六年八月同平章事判使如

故在相位五年十年十月出鎮宣武則仲郢被命入朝當在十年冬合之金牛驛寄

與元渤海尚書詩似十一年春初方還京故會要亦書十一年與舊紀同而紀之十

二月則必誤也在相五年與在鎮五年皆自大中六年至十年書法正合詩云五年

從事霍嫫姚亦相合今故酌於十年十一年

冬春之交分書而連屬之似皆得其實矣

詩題白石蓮公寄楚公 病中聞河東公樂營置酒口占寄上 南潭上亭譙集

以疾後至因而抒情 春深脫衣 有懷在蒙飛卿 聞著明凶問哭寄飛卿

梓州罷吟寄同舍 飲席戲贈同舍 飲席代官妓贈兩從事

文 為崔從事寄尚書彭城公啓

十一年丁丑 行尚書兵部侍郎河東縣開國男柳仲郢本官兼

御史大夫充諸道鹽鐵轉運使 舊書紀裴

商隱還京後還鄭州 從本傳本

按仲郢領鹽鐵曾以義山充推官非至京即還鄭州詳下

詩 行至金牛驛寄興元渤海尚書 駱杜馬上念漢書 贈贈畏之三首 過招

國李家南園一首 為李兵曹祭兄濠州刺史文

十二年戊寅 商隱卒

詩 正月十五夜聞京有燈恨不得觀 正月崇讓宅 寄在朝鄭曹側

按新書傳東川府罷客榮陽卒舊書傳還鄭州未幾病卒大要

相同無細年月裴廷裕東觀奏記於溫庭筠勅授隋縣尉附書

義山以鹽鐵推官死自開成二年登第至大中十二年竟不升

於王廷義山充推官他無可徵然推官分諸道不一其人非誤

從質事為 義山以塚屬隨還仲郢憐其衰病令叨祿贍厚德者宜

義山也 義山以塚屬隨還仲郢憐其衰病令叨祿贍厚德者宜

義山也 義山以塚屬隨還仲郢憐其衰病令叨祿贍厚德者宜

然也仲郢罷使在十二年之春義山病還鄭州而以是年卒或

還鄭稍在先也惟舊傳云大中末仲郢坐專殺左遷商隱廢罷

而仲郢傳云咸通時鎮興元因決賊吏過當分司東都非大中

東川時事舊傳自相岐誤耳仲郢鎮東川時因李德裕歸葬命義山為祭

乃追敘也徐氏取以証義山復在南山幕亦誤余既考定生年義山竟未五十而歿陸魯望

曰玉谿生官不挂朝籍而死位卑年促皆在一語中文人薄命

千古傷之矣山遂不能振可慨也

稷程氏所編之譜其誤甚於朱氏也始則泥崔華州之必為崔

戎而謂書中故賈相國今崔宣州非就非餽非羣必別有人史

所失載者又以驕兒詩西北羌戎之事屬之開成二年因直改

上崔書之二十五年為三十五定以貞元己卯為生年夫生年

必首以祭姊文為據程氏竟未一采崔華州不必戎而必曰戎

故賈相必為餽而不曰餽任去取於古人而強成其獨見可乎

哉况如程說則哀師當生太和六七年何東川時尙曰小男阿

袞也程氏於會昌三年始書娶王氏女烏得先十餘年已生袞

師哉此所定生年之誤也後則以過崔窈海宅詩為咸通十年

痛和州刺史崔雍賜死而作因謂是時義山已七十二歲夫既

為崔雍而作何乃隱其已之歷官反遯其父之故蹟歟趙李杜

三人至是居官三十年矣而乃云舊掾已華簪耶午橋謂此篇

悲悼刻至語皆過情與崔戎卒時不合曾不思義山於華太守

受知最深故吐辭悽惋哀情之深淺準乎交誼

彼家門之境遇哉况安平公詩亦明言宅破子毀哀如何矣此

三先生詩話 卷之三  
所定卒年之誤也首尾既謬中間自多舛誤如以寄獻舊府開  
封公爲元和十五年令狐楚貶衡州時贈哭劉司戶諸篇皆爲  
大中年間自南山北歸經分水嶺旣於題下從朱長孺之說而  
譜又列之梓州府罷之時皆謬矣會昌二年下書曰文集有爲  
鄭亞賀幽州破奚寇表會不考是年亞未外擢而奚與回紇部  
落大殊也會昌三年始書娶茂元女依程氏所編義山已四十  
五歲兩世節鎮之家相攸何竟無人而不愛少年若此哉長安  
在西洛城在東唐之兩京也凡自秦而東皆得謂之之東程氏  
乃定指東川故列東下三句與對雪二首於入東川時不知蜀  
在秦之西南必不得云東也義山東川歸後還鄭州不久病卒  
乃取望喜驛北禽詣藥山諸篇列之咸通初柳仲郢鎮山南時

而曰重佐山南想當然耳何其妄逞臆見哉其他小誤甚多特  
挈其大端於此余非好爲駁擊要其用心皆爲義山開生面耳  
讀者當知余愛古人而亦不薄今人也

徐湛園曰唐之朋黨二李爲大牛僧孺爲李宗閔之黨魁故又  
曰牛李楊嗣復李宗閔令狐楚與李德裕大相仇怨義山爲楚  
門下士是始乎黨牛之黨者也追從鄭亞辟令狐綯以爲忘家  
恩憾之不置義山歸窮自解綯不之省徐州歸後復以文章干  
綯乃補太學博士則終乎黨牛之黨矣論者以爲王茂元壻又  
從事桂林遂謂黨贊皇之黨不知茂元自有王涯爲之道地又  
得中人之助所恃不獨一衛公也惟鄭亞始終爲衛公所引然  
從亞非義山本懷又不過一年觀其酬令狐郎中詩云補羸食

三癸生言言記 年詩  
紫桂負氣託青萍則心事和盤託出不過爲貧而仕耳非有心  
負絢者傳所云放利偷合則不誣也他如楊虞卿蕭澣杜悰盧  
鈞無一非牛黨雖柳仲郢史亦稱其與僧孺善而謂黨贊皇之  
黨者吾不信也集中刺衛公詩不一而足若李衛公一絕尤其  
顯然者

按宋長孺序過褒義山徐氏盡翻宋說尤偏執矣夫李牛之黨  
實繁有徒然豈人人必入黨中不此卽彼無可解免者哉旣同  
時矣同仕矣勢不能不與之款接要惟爲黨魁者方足以持局  
而樹幟下此小臣文士絕無與於輕重之數者也今考令狐楚  
之於李衛公視牛之怨李則滅矣楚雖與李逢吉善然元和進  
用自由皇甫鏘蕭俛豈盡關牛黨哉盧鈞於衛公當國時鎮澤

潞大中之季爲令狐絢所惡不得輔弼物議罪絢弄權此可亦  
謂之牛黨乎柳仲郢素與僧孺善德裕以之尹京兆仲郢謝曰  
不意太尉恩獎及此仰報厚德敢不如奇章公門館德裕不以  
爲嫌後大中朝仲郢感衛公之知傷李氏無祿仕者乃取其兄  
子從質爲推官知蘇州院事令以祿利贍南宅用是不悅於絢  
豈得專舉其與僧孺善哉盧宏正於會昌中亦李所薦擢諸人  
事皆見史書不得與楊虞卿蕭澣等並列而無別白也義山少  
爲令狐楚所賞此適然之遇原非爲入黨局而然惟是開成時  
旣以絢力得第而乃心懷躁進遽託涇原此舊傳所云絢以背  
恩惡其無行也絢之惡義山實始於此非遲至德裕用茂元帥  
河陽時舊傳必先敘德裕與李宗閔楊嗣復令狐楚大相讐怨

乃修史者於一時朝局心手熟習贅及之耳其後以鄭亞為李  
 衛公所善逐李并及鄭而絢之惡義山尤不能釋矣然則赴鄭  
 幕者所以重絢之怒其實早怒其得第而背恩固非從衛國而  
 遷及之也最後在盧幕在柳幕皆屬衛公所賞識夫義山之歷  
 就諸幕皆聊謀祿仕既並非黨李之黨更烏得以補太學博士  
 之一節而謂終於黨牛之黨也哉補博士乃絢之情不可恕非美遷也豈可以論黨局集中歎  
 衛公詩吾詳味之矣刺衛公詩絕鮮其李衛公一絕傷之非幸  
 之也惟上杜悰詩惡草雖當路乃實斥衛公者以投贈之故冀  
 聳尊聽不惜違心而弄舌耳要而論之義山不幸而生於朋黨  
 傾軋之日所遇皆此輩未免為其波染若其蹤跡名位絕無與  
 於黨局即絢之惡其背恩僅一家之私事耳安得過信史書各

徇偏見而必謂其黨李之黨或謂其黨牛之黨也哉况義山聯  
 為令狐楚崔戎所憐戎則裴度領太原時之參謀單車諭王承  
 宗乃入為侍御史得累遷使必以受知令狐為黨牛之黨則晉  
 公薦德裕為相而為李逢吉李宗閔所深怨何獨不以受知崔  
 戎為黨李之黨也乎

又按義山既不足與論黨局矣而統觀全集其無行誠不能解  
 免當得第而未仕則遽背恩而赴涇原茂元卒又欲修好於令  
 狐令狐出刺吳興又即膺桂管之辟泰然有不憚牽牛妬之句  
 桂府遽罷衛公叠貶令狐入居禁近則又哀詞祈請如醉如迷  
 迨至令狐宿憾終不可釋乃始真絕望而以漫成五章揭生平  
 之大略竊隱附於衛公以冀取重於千載後也一人之筆矛盾

互持植品論交兩無定守嗚呼文人鉢肝雕腎於畢生而徒博  
後世浮華無實之誚者其皆自詒伊戚也夫

贈詩

贈李商隱

喻鳧

羽翼恣搏扶山河使筆驅月疎吟夜桂龍失咏春珠草細盤金勒  
花繁倒玉壺徒嗟好章句無力致前途惜其未第之作

重送徐州李從事商隱

薛逢

曉乘征騎帶犀渠醉別都門慘袂初蓮府望高秦御史柳營官重  
漢尚書斬蛇澤畔人烟曉戲馬臺前樹影疎尺組挂身何用處一作  
說古來名利盡邱墟

秋日旅舍寄義山李侍御

溫庭筠

一水悠悠隔渭城渭城風物近柴荆寒蛩乍響催機杼旅雁初來  
憶弟兄自為林泉牽曉夢不關砧杵報秋聲子虛何處堪消渴試

向文園問長卿

哭李商隱

崔珏

成紀星郎字

李一作

義山適歸黃

高一作

壤抱長歎詞林枝葉三春盡

學海波瀾一夜乾風雨已吹燈燭滅姓名長在齒牙寒只應

物外攀琪樹便著霓裳上絳壇

一作蜺衣上玉壇

虛負凌雲萬丈才一生襟抱未曾

嘗一作

開鳥啼花落

一作

人何在

竹死桐枯鳳不來良馬足因無主跪舊交心為絕弦哀九泉莫歎

三光隔又送文星入夜臺

詩話

專論一篇一聯者各附詩下其彙論者纂於此

楊文公談苑

義山為文多簡閱書冊左右鱗次號獺祭魚

劉貢父中山詩話

祥符天禧中楊大年

億

錢文僖

惟演

晏元獻

殊

劉子儀

筠

以文章

立朝為詩皆宗尚李義山號西崑體後進多竊義山語句嘗內宴

優人有為義山者衣服敗裂一作告人曰吾為諸館職搗搗至此

聞者歡笑一作子儀畫義山像寫其詩句列左右貴重之如此

蔡寬夫詩話

王荆公晚年亦喜稱義山詩以為唐人知學老杜而得其藩籬者

惟義山一人而已每誦其雪嶺未歸天外使松州猶駐殿前軍永

玉谿生詩詳註

詩話

憶江湖歸白髮欲回天地入扁舟與池光不受月暮氣欲沉山江

海三年客乾坤百戰場之類雖老杜無以過也

義山詩合處信有過人若其用事深僻語工而意不及自是其短

世人反以為奇而效之故崑體之弊適重其失義山本不至是云

按為之細箋但覺情味有餘無所謂語工而意不及者

許彥周詩話

作詩淺易鄙陋之氣不除大可惡客問何從去之僕曰熟讀李義山詩與黃魯直詩而深思焉則去也

呂居仁紫微詩話

東萊公嘗言少時作詩未有以異於眾人後得李義山詩熟讀規摹之始覺有異

范元實詩眼

義山詩世人但稱其巧麗與温庭筠齊名蓋俗學只見其皮膚其高情遠意皆不識也

高常之韻語陽秋

楊文公在至道中得義山詩百餘篇至於愛慕而不能釋手公嘗論義山詩以包蘊密緻演繹平暢味無窮而愈出鑽彌堅而酌不竭使學者少窺其一斑若滌腸而浣胃知是文公之詩有得於義山者多矣

葉少蘊石林詩話

唐人學老杜惟商隱一人而已雖未盡造其妙然精密華麗亦自得其彷彿故國初錢文僖與楊大年劉中山皆傾心師尊以為過

玉谿生詩詳註

詩話

二



老杜至歐陽文忠公始力排之然宋莒公兄弟雖尊老杜終不廢商隱王荆公亦嘗為蔡天啓言學詩者未可遽學老杜當先學商隱未有不能為商隱而能為老杜者

朱少章風月堂詩話

李義山擬老杜詩云歲月行如此江湖坐渺然真是老杜語也其他句蒼梧應露下白閣自雲深天意憐幽草人間重晚晴之類置杜集中亦無媿矣然未似老杜沈涵汪洋筆力有餘也義山亦自覺故別立門戶成一家後人挹其餘波號西崑體句律太嚴無自然態度宋史朱弁傳詩學李義山詞氣雍容不蹈其險怪奇澁之弊

張戒歲寒堂詩話

李義山劉夢得杜牧之三人筆力不能相上下大抵工律詩而不

工古詩七言尤工五言微弱雖有佳句然不能如韋柳王孟之高致也義山多奇趣夢得有高韻牧之專事華藻此其優劣耳按三

自成家何用並衡更何可與韋柳王孟較也不工五言此其優劣皆非確論

范晞文對牀夜語

前輩云詩家病使事太多蓋取其與題合者類之乃是編事雖工何益李義山人日詩正如前語若隋宮玉璽二句籌筆驛關張二句則融化排幹如自己出精粗頓異也

虹收青嶂雨鳥沒夕陽天月澄新漲水星見欲銷雲池光不受月野氣欲沉山城窄山將壓江寬地共浮秋應為黃葉雨不厭青苔皆商隱詩也何以事為哉又落花云落時猶自舞掃後更聞香梅花云素娥惟與月青女不饒霜尤妙若江海三年客乾坤百戰場

王樂生詩評註  
則絕類老杜

教器之詩評

暇日與弟姪輩評古諸名家詩謂李義山如百寶流蘇千絲鐵網

綺密瓊妍要非適用一作自然

范德機木天禁語

李商隱家數微密閒艷學者不察失于細碎

胡孝轅唐音癸籤

唐詩不可注也詩至唐與選詩大異說眼前景用易見事一注詩味索然反為蛇足耳有兩種不可不注如老杜用意深婉者須發明李賀之詭譎李商隱之深僻及王建宮詞自有當時宮禁故實者並須作注細與箋釋今杜詩注既如彼建與賀詩有注與無注

同而商隱一集迄無一人能下手始知實學之難即注釋一家亦未可輕議也

元遺山有詩云望帝春心託杜鵑佳人錦瑟怨華年詩家總愛西  
崑好獨恨無人作鄭箋蓋謂義山詩用事頗僻情無人注釋也乃  
遺山鼓吹一選郝天挺所注義山詩尤難謬不通門牆士親承詩  
教者尚如此可望之他人乎友人屠用明嘗勸余為義山集作注  
以便後學予笑謂用明曰彼自祭魚獺今又欲我拾獺殘耶

馮定遠才調集評

王荆公言學杜當自義山入余初心謂不然後讀山谷集粗硬糙  
牙殊不耐看始知荆公此言正以救江西派之病也若從義山入  
便都無此病

賀裳載酒園詩話

義山綺才艷骨作古詩乃學少陵如并泥驕兒行次西郊戲題樞  
言草閣李肱所遺畫松頗能質朴然已有鏡好鸞空舞簾疎燕誤  
飛十五泣春風背面鞦韆下諸篇正如木蘭雖兜牟兩襠馳逐金  
戈鐵馬間神魂固猶在鉛黛也一離沙場即視尚書郎不顧重復  
理鬢貼花矣韓碑詩亦甚肖韓彷彿石鼓歌氣槩造語更勝之

好一聯乃三韻  
小律非古詩

義山之詩妙於纖細如全溪作戰蒲知雁唼陂月覺魚來晚晴并  
添高閣迴微注小窗明細雨氣涼先動竹點細未開萍然亦有極  
正大者如肅皇帝挽辭小臣觀吉從猶誤欲東封過故崔充海宅  
與崔明秀才話舊因寄杜趙李三掾莫憑無鬼論終負託孤心慟

然有攀髯號泣及良士不負死友之志非溫所及至若試墨書新  
竹張琴和古松石梁高瀉月樵路細侵雲尙是尋常好語唐律中  
不難得

魏晉以降多工賦體義山猶存比興

葉星期原詩

七言絕句古今推李白王昌齡李俊爽王含蓄兩人辭調意俱不  
同各有至處李商隱七絕寄託深而措辭婉可空百代無其匹也

何義門讀書記

晚唐中牧之義山俱學子美牧之豪健跌宕不免過於放學者不  
得其門而入未有不入於江西派者不如義山頓挫曲折有聲有  
色有情有味所得為多

玉谷上寺羊生

寺舌

五

馮定遠謂熟觀義山詩自見江西之病余謂熟觀義山詩兼悟西崑之失西崑只是雕飾字句無論義山之高情遠識即文從字順猶有間也

義山五言出於庾開府七言出於杜工部不深究本源未易領其佳處七言句法兼學夢得

朱長孺註本序

附錄

玉谿生詩沈博絕麗王介甫稱為善學老杜惜從前未有為之注者元遺山云詩家總愛西崑好只恨無人作鄭箋予因繙覈新舊唐書本傳以及箋啓序狀諸作所載於英華文粹者反覆參考乃喟然嘆曰嗟乎義山蓋負才傲兀抑塞於鈎黨之禍而傳所云放利偷合詭薄無行者非其實也夫令狐綯之惡義山以其就王茂

元鄭亞之辟也其惡茂元亞以其為贊皇所善也贊皇入相薦自晉公功流社稷史家之論每曲牛而直李茂元諸人皆一時翹楚綯安得以私恩之故牢籠義山使終身不為之用乎綯特以仇怨贊皇惡及其黨因併惡其黨贊皇之黨者非真有憾于義山也太牢與正士為讐綯父楚比太牢而深結李宗閔楊嗣復綯之繼父深險尤甚會昌中贊皇擢綯臺閣一旦失勢綯與不逞之徒竭力排陷之此其人可附麗為死黨乎義山之就王鄭未必非擇木之智渙邱之公此而目為放利偷合詭薄無行則必將朋比奸邪擅朝亂政如八關十六子之所為而後謂之非偷合非無行乎且吾觀其活獄宏農則忤廉察題詩九日則忤政府于劉蕡之斥則抱痛巫咸于乙卯之變則銜冤晉石太和東討懷積骸成莽之悲党

王翁生詩評  
項興師有窮兵禍胎之戒以至漢宮瑤池華清馬嵬諸作無非諷  
方士為不經警色荒之覆國此其指事懷忠鬱紆激切直可與曲  
江老人相視而笑斷不得以放利偷合詭薄無行嗤摘之者也或  
曰義山之詩半及閨闈讀者與玉臺香奩例稱荆公以為善學老  
杜何居子曰男女之情通於君臣朋友國風之螭首蛾眉雲髮瓠  
齒其辭甚褻聖人顧有取焉離騷託芳草以怨王孫借美人以喻  
君子遂為漢魏六朝樂府之祖古人之不得志於君臣朋友者往  
往寄遙情於婉變結深怨于蹇修以序其忠憤無聊纏綿宕往之  
致唐至太和以後閹人暴橫黨禍蔓延義山阨塞當塗沈淪記室  
其身危則顯言不可而曲言之其思苦則莊語不可而謾語之計  
莫若瑤臺瑤宇歌筵舞榭之間言之可無罪而聞之足以動其梓

州吟云楚雨含情俱有託早已自下箋解矣吾故曰義山之詩乃  
風人之緒音屈宋之遺響蓋得子美之深而變出之者也豈徒以  
徵事與博擷采妍華與飛卿柯古爭霸一時哉學者不察本末類  
以才人浪子目義山即愛其詩者亦不過以為帷房暱媾之詞而  
已此不能論世知人之故也予故博考時事推求至隱因箋成而  
發之以為世之讀義山集者告焉

穆序中所拈篇什其  
誤解者各詳註中

朱竹垞靜志居詩話

石林好讀儒書嘗類纂子史百家為小碎集又以餘力註李義山  
詩三卷其言曰詩人論少陵忠君愛國一飯不忘而目義山為浪  
子以其綺靡華艷極玉臺金樓之體而已第少陵之志直其詞危  
義山當南北水火中外箱結不得不紆曲其指誕謾其詞此風人  
玉路寺羊主

寺舌

七

小雅之遺推原其志義可以鼓吹少陵惜其書未刊行會吳江朱  
長孺箋義山詩多取其說間駁其非於是虞山詩家謂長孺陰掠  
其美且痛抑之長孺固長者未必有心效齊邱子也

校汪堯峰為長孺作跋較竹垞翁辨之尤力今不更錄王阮亭

做元遺山論詩絕句云獺祭曾驚博輿殫一篇錦瑟解人難千

年毛鄭功臣在猶有彌天釋道安此與會所及固非以溢美為

定評也

欽定四庫全書總目

集部 別集類

李義山詩集三卷 內附藏本

唐李商隱撰商隱字義山懷州河內人開成二年進士釋褐  
祕書省校書郎調宏農尉會昌二年又以書判拔萃王茂元  
鎮河陽辟為掌書記歷佐幕府終於東川節度判官檢校工  
部郎中事迹具唐書文藝傳商隱詩與温庭筠齊名詞皆綺  
麗然庭筠多綺羅脂粉之詞而商隱感時傷事尚頗得風人  
之旨故蔡寬夫詩話載王安石之語以為唐人能學老杜而  
得其籜籬者惟商隱一人自宋楊億劉子儀等沿其流波作  
西崑唱酬集詩家遂有西崑體致伶官有持摺之譏劉攽載

之中山詩話以為口實元祐諸人起而矯之終宋之世作詩者不以為宗胡仔漁隱叢話至摘其馬嵬詩渾河中詩詆為淺近後江西一派漸流於生硬粗鄙詩家又退而講溫李自釋道源以後注其詩者凡數家大抵刻意推求務為深解以為一字一句皆屬寓言而無題諸篇穿鑿尤甚今考商隱府罷詩中有楚雨含情皆有託句則借夫婦以喻君臣固嘗自道然無題之中有確有寄託者來是空言去絕蹤之類是也有戲為艷體者近知名阿侯之類是也有實屬狎邪者昨夜星辰昨夜風之類是也有失去本題者萬里風波一葉舟之類是也有與無題相連悞合為一者幽人不倦賞之類是也其摘首二字為題如碧城錦瑟諸篇亦同此例一概以美人

香草解之殊乖本旨至於流俗傳誦多錄其綺艷之作如集中有感二首之類選本從無及之者取所短而遺所長益失之矣

李義山詩注三卷附錄一卷

通行本

國朝朱鶴齡撰鶴齡有尚書郎傳已著錄李商隱詩舊有劉克

張文亮二家注本後俱不傳故元好問論詩絕句有詩家總

愛西崑好只恨無人作鄭箋之語

案西崑體乃宋楊億等摹擬商隱之詩好問竟以商隱為西崑殊為

謬誤釋附訂於此明末釋道源始為作注王士禎論詩絕句所謂獮祭

會驚博奧殫一篇錦瑟解人難千秋毛鄭功臣在尚有彌天

釋道安者即為道源是注作也然其書徵引雖繁實冗雜寡

要多不得古人之意鶴齡刪取其什一補輯其什九以成此

注後來注商隱集者如程夢星姚培謙馮浩諸家大抵以鶴齡為藍本而補正其闕悞惟商隱以婚於王茂元之故為令狐綯所擠淪落終身特文士輕於去就苟且目前之常態鶴齡必以為茂元黨李德裕綯父子黨牛僧孺商隱之從茂元為擇木之智渙邱之公然則令狐楚方盛之時何以從之受學令狐綯見讎之後何以又屢啟陳情新舊唐書班班具在鶴齡所論未免為回護之詞至謂其詩寄托深微多寓忠憤不同於温庭筠段成式綺靡香艷之詞則所見特深為從來論者所未及惟所作年譜於商隱出處及時事頗有疎漏故多為馮浩注本所糾又如有感二首詠文宗甘露之變者引錢龍惕之箋以李訓鄭注為奉天討死國難則觸於明末瑞

禍有激而言與詩中如何本初輩自取屈釐誅臨危對盧植始悔用龐萌諸句顯為背觸殊失商隱之本旨又重有感一首所謂竇融表已來關右陶侃軍宜次石頭者竟以稱兵犯闕望劉從諫漢十常侍之已事獨未聞乎鶴齡又引龍惕之語不加駁正亦未免牽就其詞然大旨在於通所可知而闕所不知絕不牽合新舊唐書務為穿鑿其推陷廓清之功固超出諸家之上矣

李義山文集箋注十卷通行本

國朝徐樹穀箋徐炯注樹穀字藝初康熙乙丑進士官至山東道監察御史炯字章仲康熙壬戌進士官至直隸巡道皆崑山人考舊唐書李商隱傳稱有表狀集四十卷新唐書藝文



志稱李商隱樊南甲集二十卷乙集二十卷玉溪生詩三卷  
文賦一卷宋史藝文志稱李商隱文集八卷四六甲乙集四  
十卷別集二十卷詩集三卷今惟詩集三卷傳文集皆佚  
國初吳江朱鶴齡始哀輯諸書編爲五卷而闕其狀之一體康  
熙庚午炯典試福建得其本於林估採撫文苑英華所載諸  
狀補之又補入重陽亭銘一篇是爲今本鶴齡原本雖略爲  
詮釋而多所疎漏蓋猶未竟之稿樹穀因博考史籍證驗時  
事以爲之箋炯復徵其典故訓詁以爲之注其中上崔華州  
書一篇樹穀斷其非商隱作近時桐鄉馮浩注本則辨此書  
爲開成二年春初作崔華州乃崔龜從非崔戎故賈相國乃  
賈餗非賈耽崔宣州乃崔鄆非崔羣引據唐書紀傳證樹穀

之誤疑又重陽亭銘一篇炯據全蜀藝文志採入馮浩注本  
則辨其碑末結銜及鄉貫皆可疑知爲舊碑漫漶楊慎僞補  
足之援慎僞補樊敏柳敏二碑證炯之誤信又據成都文類  
採入爲河東公上西川相國京兆公書一篇及逸句九條皆  
足補正此本之疎漏然上京兆公書乃案牘之文本無可取  
逸句尤無關宏旨故仍以此本著於錄焉

嘉慶元年六月臣浩得觀

欽定四庫全書總目提要始知唐李商隱詩文集注本下蒙附及

臣詳註本略加評采敬謹錄刊奉冠簡首

臣馮浩恭識

玉谿生詩詳註補

卷首

發凡

西泠徐德泓武源陸鳴皋士淵又號鶴亭選李義山詩二百五十六首而疏之名曰徐陸合解雍正初年刊雖非盡善之本其中有先得我心及可互通者今特補采以資印証

史文

隨計上都漢書武帝紀徵吏民有明當時之務習先聖之術者縣次續食令與計偕師古曰計者上計簿使也今所徵之人與上計者俱來

持操漢書董仲舒傳豈其所持操或詩繆而失其統數南史下彬傳或謂曰卿都不持操名器何由得升持操字亦習用

冊府元龜幕府部才學類李商隱與太原溫庭筠南郡段成式齊名時號三才商隱至東川判官檢校工部郎中有表狀集四十

卷 又文章類作三才子所載同 又東觀奏記曰義山文學

宏博牋表尤著於人間

欽定天祿琳琅明刊集本李義山集一函唐李商隱著三卷此本

標李義山集專錄其詩與陳振孫書錄解題玉谿生集三卷卷

帙雖同其書各異則非宋人所刊無疑特標刻清明亦明槧之

善本也 按此本無由得觀為悵

年譜

四五歲嬉戲情狀 韻語陽秋作驪兒詩時褒師方三四歲爾按余所編似略長一歲再酌

山行一千 合之鄭驛來雖及句商隱馳至與元楚猶未卒故屬其草遺表

自梁還秦 必隨其妻而還也

重入秘書省為郎 唐人常例諸傳女屢見南史張纘傳秘書郎四員宋徽以來為甲族起家之選其居職例不數十日便遷任

萬善鎮 元豐九域志在河內縣

還李回宣諭 按平潞之役得力在李回使故舊書劉楨傳特敘之

柳仲郢遷河南尹 舊書仲郢傳會昌中三遷吏部郎中德裕頗知之御史崔元

重之奏為京兆尹綬舊書韋貫之傳子澳充翰林學士深為宣宗所遇上言戶部缺判使卿意何如澳對曰臣心力減耗不耐煩劇甥柳此謂澳曰舅之獎遇特承聖知云云是仲郢娶貫之女也

三年

冊府元龜廢滯類全載李商隱舊書傳云隨帝在鎮表累年二年入朝則無疑也

十二月李德裕卒 按通鑑書已未李德裕卒而脫去紀月今檢其上文閏十一月丁酉下書甲戌乃又書已未已闕八十三日則已未當入明年正月矣

月矣

托夢瑣言太和中李德裕鎮浙西有劉三復者少貧苦學有才思

德裕因遣詣闕求試果登第歷任臺閣 其子鄴勅賜及第登

廊廟上表雪德裕以朱崖神櫬歸葬洛中報其先恩也士大夫

美之

柳仲郢東川節度授節度制文苑英華載之

詩話補前所未引或引而太略者

江少虞皇宋事實類苑宋史藝文志江少虞皇朝事實類苑二十六卷

公楊文嘗言至道中宋太宗時偶得玉谿生百餘篇意甚愛之而未得

其詩之深趣咸平景德間真宗時因演綸之暇徧尋前代名公詩集

觀其富於才調兼極雅麗包蘊密緻演繹平暢味有窮而多愈出

鑽彌堅而酌不竭曲盡萬變之態精索難言之要使學者少窺其

一斑略得其餘光若滌腸而換骨矣由是孜孜求訪凡得五七言

詩長短韻歌并雜言共二百八十二首唐末浙右多得其本故錢

鄧帥若水宋史鄧州南陽郡武勝軍節度錢若水官至鄧州觀察使故稱鄧帥嘗留意披拾纔得四百餘首

錢君舉賈誼兩句云可憐夜半虛前席不問蒼生問鬼神錢云其

措詞如此後人何以企及余聞其所云遂愛其詩彌篤乃專事緝

綴鹿門先生唐彥謙蘇玉谿詩得其清峭感愴蓋聖人之一體也

然驚人之句亦多餘數年類集復求得薛廷珪所作序凡八十二

首世俗見余愛慕二君詩什誇傳於書林文苑淺學之徒相非者

甚眾噫大聲不入俚耳豈足論哉此大兒官京師時錄寄者 數本聚、

百餘首今流傳者已有六百首則永樂大典中亦未必復有逸詩矣蓋余以不得在京一窺永樂大典為恨兒故以勸慰也今重展其手蹟不勝感傷云 北宋時披緝寧必無非本集而誤收者故更詳錄之以備參悟

元遺山中州集

劉汲西崑集李純甫屏山為之作序中云義山善用僻事下奇字

晚唐人多効之號西崑體殊無典雅渾厚之氣反置杜少陵為村

夫子此可笑者也按西晉體於渾厚未盡能登并之典雅此論殊未公也

高棅一名廷禮唐詩品彙

敘詩派李商隱正派詠物最縝密 晚唐杜牧之之豪縱溫飛卿之綺靡李義山之隱僻許用晦之偶對晚唐變態之極也

宋漫堂說詩宋學字牧仲號漫堂商邱人國朝康熙時歷官江西江南巡撫陞吏部尚書有綿津山人集

晚唐李義山刻意學杜亦是精麗 七律中晚之錢劉李義山劉

滄亦悠揚婉麗風乎雅人之致義山造意幽邃感人尤深獨漫堂有云低格碎問關新聲李義山雖借比畫眉聲而唐突太甚何與說詩數語不相顧也浩竊以元遺山論詩詩古雅難將子美親精純全失義山真精純二字之評可謂真賞矣

詩話補註前所已引者

楊文公談苑文公楊億也談苑為黃鑑所集宋史黃鑑傳楊億善其文延置門下

劉貢父中山詩話宋史藝文志劉攽詩話一卷

蔡寬夫詩話宋史志蔡寬夫詩史二卷攽他書引之多作詩話

許彥周詩話百川學海載之建炎戎中襄邑許願自序

范元實堯山堂外紀元實范祖禹之子秦少游婿

呂居仁紫微詩話宋史傳呂本中字居仁元祐宰相公著之會孫紹興中中書舍人兼侍講直學士學者稱為東萊先生稜本傳童蒙訓三卷不載紫微詩話似後人所輯者乎

葛常之韻語陽秋宋史志葛立方韵語陽秋二十卷

葉少蘊石林詩話宋史文苑傳葉夢得字少蘊多識前言往行

朱少章風月堂詩話 張戒歲寒堂詩話宋史傳朱弁字少章張戒附見趙鼎傳稜風月堂詩話蓋其使金被留時作也中州集甲集宇文虛中亦使金遂為其翰林學士有次朱少章韵詩又有歲寒堂詩當即此張戒之堂也

敖器之詩評堯山堂外紀敖陶孫字器之號耀庵王阮亭香祖筆記宋臞翁詩集一卷其評詩最精

王劉生言言言

卷之六

范晞文對床夜語

晞舊誤景語誤話今改正宋末人綴蔡條西清詩話條字約之蔡京季子也文集末逸句采其一條附志此

范德機木天禁語

元史盧集傳附范梈字亨父一字德機清江人詩文用力精深所著多傳於世

胡震亨唐音癸籤

震亨字孝謙海鹽人編輯唐音統籤自甲至癸分為十籤凡籤皆唐人詩惟癸籤詩話今十籤不可全得矣全唐詩以胡氏統籤為底本余校義山詩以戊籤中所載

及明刊本集又仿宋刻本為據居多

馮定遠才調集評

定遠名班號鈍吟常熟人國初有文各有鈍吟集鈍吟雜錄論詩重體格愛六朝及晚唐

賀裳

字黃公

葉燮

字星期號已畦吳江人居洞庭山見曹秋岳靜惕堂詩集所謂葉星期高蹈山中者也亦見朱竹垞曝書亭集

義山詩文集詳註總目

玉谿生詩詳註

卷首 錢序 王序 自序 發凡 史文 年譜 贈詩

詩話 目錄

卷一 編年詩

卷二 編年詩

卷三 不編年詩

樊南文集詳註

卷首 錢序 發凡 目錄

卷一 表

卷二 狀

卷三 啓

卷四 啓

卷五 祝文

卷六 祭文

卷七 序

卷八 書 箴 傳 碑 銘 賦 雜記 逸句

此卷內有又十三張

玉谿生詩詳註目錄

卷一

韓碑

富平少侯 以下編年

日高

陳後宮

陳後宮

覽古

隋師東

謝書

無題

三石詩詳註目錄 重校本

失題

天平公座中呈令狐令公

牡丹

初食笋呈座中

海上

贈趙協律暫

贈宇文中丞

安平公詩

過故崔兗海宅與崔明秀才話舊因寄舊僚趙杜李三掾

宿駱氏亭寄懷崔雍崔衮

公子

東還

夕陽樓

有感二首

重有感

故番禺侯以贓罪致不辜事覺母者他日過其門

哭遂州蕭侍郎二十四韻

五松驛

令狐八拾遺綱見招送裴十四歸華州

和友人戲贈二首

題二首後重有戲贈任秀才

李肱所遺畫松詩書兩紙得四十一韻



送從翁從東川宏農尚書幕

南山趙行軍新詩盛稱遊讌之洽因寄一絕

及第東歸次灞上却寄同年

商於新開路

壽安公主出降

寄惱韓同年二首時韓住蕭洞

哭虔州楊侍郎

病中早訪招國李十將軍遇孛家遊曲江二首其次首原作寄成都高苗二從

事今改正

韓同年新居餞韓西迎家室戲贈

西南行却寄相送者

聖女祠

自南山北歸經分水嶺

行次西郊作一百韻

彭城公薨後贈杜二十七李十七

換彭陽公誌文畢有感

漫成三首

無題

安定城樓

回中牡丹為雨所敗二首

東南

和韓錄事送宮人入道

奉和太原公送前楊秀才戴兼招楊正字戎

戲贈張書記

贈送前劉五經映三十四韻

四皓廟

宮中曲

無題二首

鏡檻

曲池

有感

次陝州先寄源從事

荆山

任宏農尉獻州刺史乞假歸京

曲江

景陽井

詠史

垂柳

與同年李定言曲水閒話戲作

井泥四十韻

送千年李將軍赴闕五十韻

崇讓宅東亭醉後汚然有作

酬別令狐補闕

臨發崇讓宅紫薇

過伊僕射舊宅

寄成都高苗二從事

贈劉司戶賈

潭州

杏花

岳陽樓

離思

楚宮

破鏡

七月二十八日夜與王鄭二

秀才聽雨後夢作

七月二十九日崇讓宅讌作

華州周大夫宴席

鸞鳳

贈子直花下

哭劉蕡

哭劉司戶二首

哭劉司戶賈

妓席暗記送同年獨孤雲之武昌

贈別前蔚州契苾使君

灞岸

出關宿盤豆館對叢盧有感

卽日

淮陽路

賦得雞

鄭州獻從叔舍人褒

懷求古翁

和韋潘前輩七月十二日夜泊池州城下先寄上李使君

和劉評事永樂閒居見寄

戲題贈稷山驛吏王全

登霍山驛樓

幽居冬暮

行次昭應縣道上送戶部李郎中充昭義攻討

大鹵平後移家到永樂縣居書懷十韻寄劉韋二前輩二公

嘗於此縣寄居

和馬郎中移白菊見示

寄和水部馬郎中題興德驛

喜聞太原同院崔侍御臺拜兼寄在臺三二同年之什

寄令狐郎中

靈仙閣晚眺寄鄆州韋評事

明神

過姚孝子廬偶書

憶雪

殘雪

寒食行次冷泉驛

評事翁寄賜餽粥走筆為答

縣中惱飲席

花下醉

永樂縣所居一章  
木無非自栽今春悉已芳茂因書即事

一章

自喜

春宵自遣

題道靜院院在中條山故王顏中丞所置號州刺史捨官居

此今寫真存焉

題小松

七夕偶題

秋日晚思

菊

漢宮詞

所居

奉同諸公題河中任中丞新創河亭四韻之作

無愁果有愁曲北齊歌

喜雪

小園獨酌

小桃園

自贖

所居永樂縣久旱縣宰祈禱得雨因賦詩

落花

春日寄懷

過故府中武威公交城舊莊感事

寄蜀客

蜀桐

招肅皇帝挽歌辭三首

茂陵

漢宮

華嶽下題西王母廟

瑤池

過景陵

四皓廟

卷二

喜舍弟羲叟及第上禮部魏公

題鄭大有隱居

謝往桂林至彤庭竊詠

離席

春遊

岳陽樓

海客

桂林

深樹見一顆櫻桃尙在

卷三

目錄

晚晴

五月六日夜憶往歲秋與澈師同宿

酬令狐郎中見寄

寓目

席上作

夜意

訪秋

城上

念遠

朱槿花二首

桂林路中作

高松

海上謠

江村題壁

洞庭魚

自桂林奉使江陵途中感懷寄獻尚書

宋玉

卽日

鳳

北樓

思歸

異俗二首

昭郡

賈生

李衛公

題鷺

寄令狐學士

釣天

玉山

燈

送鄭大台文南觀

獻寄舊府開封公

同崔八詣藥山訪融禪師

漢南書事

荆門西下

舊將軍

淚

亂石

槿花

陸發荆南始至商洛

歸壑

楚澤

戊辰會靜中出貽同志

河清與趙氏昆季讌集得擬杜工部



寓懷

無題

江上

風

九日

搖落

過楚宮

深宮

夜雨寄北

因書

巴江柳

初起

武侯廟古柏

井絡

杜工部蜀中離席

夢合狐學士

北禽

梓潼望長卿山至巴西復懷譙秀

夜飲

利州江潭作

重過聖女祠

木蘭

木蘭花

贈句芒神

謁山

和孫朴章蟾孔雀詠

碧瓦

賜

射魚曲

無題四首

哀箏

槿花二首

卽日

促漏

如有

令狐舍人說昨夜西掖玩月因戲贈

昨夜

杜司勳

贈司勳杜十三員外

無題

故驛迎弔故桂府常侍有感

野菊

漫成五章

贈庾十二朱版

無題

昨日

子直晉昌李花

李花

訪人不遇留別館

一片

寄懷韋蟾

白雲夫舊居

驕兒詩

對雪二首

東下三句苦子風土馬上戲作

題漢祖廟

隋宮守歲

讀任彥昇碑

偶成轉韻七十二句贈四同舍

戲題樞言草閣三十二韻

越燕二首

蟬

辛未七夕

迎寄韓魯州贈同年

詠懷寄秘閣舊僚二十四韻

房中曲

王野生詩言  
宿晉昌亭聞鶯禽

壬申七夕

柳

王十二兄與畏之員外相訪見招小飲時予以悼亡日近不

去因寄

壬申閏秋題贈烏鵲

夜冷

西亭

無題二首

有感

晉昌晚歸馬上贈

赴職梓潼留別畏之員外同年

饒席重送從叔余之梓州

悼傷後赴東蜀辟至散關遇雪

籌筆驛

望喜驛別嘉陵江水二絕

張忠子廟

五言述德抒情詩一首四十韻獻上杜七兄僕射相公

今月二日不自量度輒以詩一首四十韻于瀆尊嚴伏蒙仁

恩俯賜披覽獎踰其實情溢於辭願惟踈蕪曷用酬戴輒

復五言四十韻詩獻上亦詩人詠歎不足之義也

韓冬郎即席為詩相送一座盡驚他日徐方追吟連宵侍坐

徘徊久之句有老成之風因成一絕寄酬兼呈畏之員外

柳

三月十日流杯亭

西溪

柳

細雨成詠獻尙書河東公

屬疾

楊本勝說於長安見小男阿衮

錦瑟

江上憶嚴五廣休

李夫人三首

卽日

春日

江亭散席循柳路吟歸官舍

柳下暗記

夜出西溪

寓興

假日

題僧壁

七夕

寫意

寄太原盧司空三十韻

憶梅

天涯

二月二日

西溪

題白石蓮花寄楚公

病中聞河東公樂營置酒口占寄上

南潭上亭讌集以疾後至因而抒情

春深脫衣

有懷在蒙飛卿

聞著明凶問哭寄飛卿

梓州罷吟寄同舍

飲席戲贈同舍

飲席代官妓贈兩從事

行至金牛驛寄興元渤海尚書

鄂杜馬上念漢書

留贈畏之三首

過招國李家南園二首

正月十五夜聞京有燈恨不得觀

正月崇讓宅

贈田叟

移漢南書事上

寄在朝鄭曹獨孤李四同年

水齋

補遺

詠三學山

卷三

寄羅劬興 以下不編年

崔處士

霜月

商於

清河

襪

同學彭道士參寥

效長吉

舊頓

齊宮詞

寄永道士

一片

少年

元微先生

公子

閒遊

贈歌妓二首

秋月

樂遊原

向晚

俳諧

藥轉

屏風

風

九成宮

少將

為有

幽人

子初全溪作

贈宗魯節竹杖

微雨

詠雲

碧城三首

蜂

明日

石榴

擬沈下賢

蝶

牡丹

春風

人欲

吳宮

可歎



偶題二首

荷花

別臻師二首

街西池館

華清宮

百果啣櫻桃

櫻桃答

曉坐

日射

華清宮

獨居有懷

代董秀才却扇

驪山有感

思賢頓

十一月中旬至扶風界見梅花

龍池

蛙

無題二首

別薛巖賓

曉起

閨情

月夕

謝先輩防記念拙詩甚多異日偶有此寄

馬嵬二首

追代盧家人嘲堂內

代應

妓席

燒香曲

判春

無題

贈白道者

咸陽

離亭賦得折楊柳二首

十字水期章潘侍御同年不至時章寓居水次故郭汾寧字

青陵臺

酬崔八早梅有贈兼見示之作

擬意

代魏宮私贈

代元城吳令暗為答

東阿王

涉洛川

歸來

燕臺詩四首

柳枝五首

石城

代贈

莫愁

贈柳

謔柳

代贈二首

楚吟

柳

韓翃舍人即事

代越公房妓嘲徐公主

代貴公主

代應二首

楚宮

送崔珏往西川

夢澤

即日

失猿

鴛鴦

人日即事

柳

無題

春雨

丹邱

到秋

夜思

河內詩二首

河陽詩

涼思

江東

風雨

贈鄭謏處士

齊梁晴雲

效徐陵體贈更衣

又效江南曲

南朝

南朝

隋宮

隋宮

詠史

聽鼓

過鄭廣文舊居

宮妓

宮辭

武夷山

聖女祠

板橋曉別

關門柳

寄裴衡

銀河吹笙

聞歌

贈華陽宋真人兼寄清都劉先生

楚宮

水天閒話舊事

中元作

相思

日日

流鶯

題李上墓壁

復京

渾河中

北齊二首

別智元法師

贈孫綺新及弟

寄華嶽孫逸人

賦得桃李無言

賦得月照冰池

代祕書贈宏文館諸校書

贈從兄閻之

常娥

殘花

天津西望

汴上送李郢之蘇州

憶住一師

早起

細雨

歌舞

魏侯第東北樓堂郢叔言別聊用書所見成篇

華山題王母祠

華師

過華清內殿門

樂遊原

贈荷花

房君珊瑚散

嘲櫻桃

和張秀才落花有感

櫻桃花下

暮秋獨遊曲江

月夜重寄宋華陽姊妹

雨中長樂水館送趙十五滂不及

裴明府居止

當句有對

子初郊墅

池邊

送王十三校書分司

復至裴明府所居

戲題友人壁

王昭君

曼倩詞

細雨

婕

奉寄安國大師兼簡子蒙

景陽宮井雙桐

端居

夜半

滯雨

月

城外

北青蘿

僧院牡丹

高花

嘲桃

送豐都李尉

訪隱

蝶

蠅蝶雞麝鸞鳳等成篇

樂遊原

寄遠

明禪師院酬從兄見寄

訪隱者不遇成二絕

雨

和人題真娘墓

和鄭愚贈汝陽王孫家箏妓二首韻

九月於東逢雪

失題原作送從翁東川宏農尚書幕

送阿龜歸華以下附錄

赤壁

垂柳

清夜怨

定子

遊靈伽寺

龍邱道中二首

題劍閣詩

玉谿生詩詳註

目錄

天



